



曹錕集

卷三三游履集

卷四艸學集

卷五履二齋集

卷六錄齋集

古今體詩



春融堂集卷三

三泖漁莊集

青浦 王昶



三泖漁莊集

庚午 辛未

添勝菴紀事

蕭蕭翠竹繞溪沙寂寞何人問歲華
三尺蒲帆垂柳外又聞驚起欲棲鴉
六花幾點上簾時畧怯春寒到鬢絲
小小雲房清似水只留香篆表相思

隔牆清磬報黃昏
偶撥圍爐火尙溫更有誰來同索笑
小窗疎影見梅魂

由崑山南麓過華藏寺望龍洲道人墓

崑山屬華亭此名乃竊取路經天開巖瑞光隔數武春餘表

出校耐思

孤花候暖延宿莽藤蘿挂煙巒菽麥繡村陽九峯隔吳淞百
里但平楚茲從梅峪登江湖入遙睹粼粼白石秀鏤刻謝斤
斧精藍出松篁日午聞法鼓我訊野鶴軒遐想論文侶誰知
青碧間名賢昔容與見震川記層雲忽西來林葉竟颺舉却望有
道阡蒼茫久凝佇

歸雲閣雨坐

閣東為傳是樓故址

孤閣掩芳晝急雨來清谿稍看風蝶亂已識林禽棲客居意
罕適書筴聊參稽悠然緬東海營此如金閨朝香染翠墨夜
火分青藜重樓署傳是意與茶竹齊縹緗早零落臺榭具
迷餘花幽逕盡疎柳荒池低憑欄試流矚暮靄生晴靄雲歸
人亦歿望古懷餘悽

喜沈侍郎歸愚先生

德潛

予告南歸

三載春卿值禁垣抽簪喜見向邱樊譚詩共作南皮會雅
集仍開北海樽千古詞章留虎觀四方冠蓋聚龍門清時文
獻誰能及角里松陵敢竝論

麟鳳文章仙佛身故園舊雨倍情親總持風雅稱詩老嘯傲
湖山荷聖人笠澤煙消攜釣艇銅坑花放整綸巾近來
好事知多少團扇家家繪畫真

芙蓉湖小泊

疎楊響絡緯月上新雨餘碧雲映空翠玉露沾芳裾遙夜已
幽曠矧復臨澄湖我行三過此此度尤清虛杪春隱桑柘漁
唱鄰菰蒲浪紋靜湘簟星影涵冰珠頗與市塵遠彌覺秋興
舒應有世外侶卜築開精廬朝夕飲寒絳燈火繙仙書

艤舟亭拜蘇文忠公像

竹樹罨晴波言近蘭陵郭謫仙小泊處風景尙如昨淒涼嶺
南歸經此偶棲託昔游軫張秦往事空蜀洛近指楚誦亭買
田負宿約西方本非無怛化洵云樂迄今賸遺蹤人思薦明
酌懸知挾飛鸞晚趁橫江鶴

海嶽菴

長虹歇涼雨葭莢風脩脩已經雲陽郭遂見海嶽樓大江浩
東逝日夜蒼煙浮溪山盡一覽翰墨空千秋淨名及寶晉寧
異棲丹邱迄今伽藍神常傍禪燈幽妙高亦無恙玉座臨長
流颺輪應來往晞髮騎龍虬前嶽不可卽塵世如輕漚扣舷
還酌酒欲作逍遙游

龍潭曉發

殘月餘半弦輕風動五兩龍潭此發船煙水空滌泱高槐疎

鳥驚細草秋蛩響不知秋露盈但覺秋山爽我生嗜遠游低
頭困塵鞅茲行豁勝情宛有蓬瀛想江潮如雪翻海日緣雲
上漸近玉鑑堂聞鐘已神往

秦淮客舍遇吳企晉

江海三年別相思隔暮雲那知涼雨後水館又逢君遠道憐
鬪宦天涯惜離羣故園松菊在歸去課耕耘

秋江歸興圖爲企晉題

迢遞舒州路鬪棲復幾年行吟三楚地時泛九江船官舍連
荒驛山城接渚田故鄉千里思相望渺風煙

汎舟後湖至雞鳴山麓

秋暑苦未闌幽尋挾童巾遂上秦淮船涼颺已吹面鳴雞埭
久荒射雉場猶見當年繡襦迴旌旗掣飛電蒼茫餘霸圖寂

冥罷龍戰却緣覆舟山蒼蕪滿蘭甸晷鷺時縱橫蒲柳共蕭
散清響聞雲英編書集朝彥四部詎可求十廟知誰薦還睇
鍾阜長頽陽下溪澗

同企晉升之游牛頭寺坐一鐙樓

空翠落衣屨夾道森松鱗秋清石骨露雨霽苔痕新山寺已
在望天闕雙嶙峋銀杏亦千仞倒出蒼厓垠瞻禮古導師了
悟清淨因一鐙衍宗派世與南華論臨高豁遠視閱古悲前
塵當年蕭常侍相賞娛幽真齊梁眇遺蹟支許欣同羣微風
下木葉涼意穿霜筠還指獻花巖欲蹋東峯雲

大報恩寺十六韻

畫舫停青雀名藍訪赤烏吳赤烏年創脩經六代形勢冠三吳
宮殿同兜率園林等給孤鐸鈴傳替戾欄楯表浮圖星斗當

窗挂風雷絕頂驅燈輪圍遠近梵唄警賢愚峻極雕檐傲高
標繡栱扶曼陀仙女散優鉢樹神敷法鼓千山應齋鐘萬指
趨往常干氣象近漸就荒蕪秋氣凋黃葉霜飈隕碧梧香廚
光照曜碧沼樂涵濡時方脩藏經殿及放生池落日滄江外
朝霞碧海隔鬢雲屯覺地蘭若耀通衢鴈塔留新式龍宮換
舊模他時迎玉輅勝地重南都

登招隱寺

籃輦穿竹林一徑入蘭若夾路青楓殷已識微霜灑泉聲深
澗裏石骨層巖下我從曲阿來標致最心寫戴公昔卜居託
輿在郊野逍遙述真經寂寞嗜宵雅衡陽況下賢詎歎知音
寡山水故依然今誰結鷗社再登玉蕊亭一望滄江瀉

晚登宏濟寺

躡屐登空巖重上宏濟寺精廬晚蕭寥鐘魚隔嵐翠高樓更
巉絕登枕得游憩商燈隱疎煙漁唱雜涼吹風寂濤不鳴月
暗徑彌邃下俯長江長溟濛暮雲氣棲禽偶格磔流螢破蒼
蔚既舒旅人懷乃發靜者意名香從空來妙獲無言契神清
骨亦寒歸舟悅難寐

答褚秀才摺巾

寅亮見懷之作

芳露滴蕙草清風來竹林徘徊孤館夕枉致瑤華音以我紫
霞想緬君滄洲心迢迢隔天末

時摺升客起坐調玉琴

冬日柳上聞企晉已歸視山用蘇文忠臘日訪惠勤

惠思二僧韻却寄

橫雲山圓柳湖蒼煙杳靄無時無朝看飛鳥晴自浴夜聽哀
鴈寒相呼香梗初熟歡妻孥醲頭春雨良堪娛一林紅葉時

獨往不厭溪路多縈紆忽聞良友歸衡廬爲憶猿鶴秋來孤
九華數點豈不好決意投劾還菰蒲人生合作耕耘夫何爲
擾擾連昏晡與君共有歲寒約躡屐高蹈真良圖寧羨夏屋
高遽遽堆盤苜蓿味嚼蠟香林舊侶多詩逋抒山篇什憑相
摹

鳳階從楚中歸相遇吳門仍次前韻

雲夢澤洞庭湖長風駭浪南戒無冥冥細雨斑竹暗楓林猿
狖相號呼千里作客辭妻孥江山險絕供清娛天門中斷勢
嶮崿赤壁卓立形盤紆一朝挂席辭匡廬眺望已徧大小孤

問訊草堂幸無恙迴塘清鏡抽新蒲

鳳階所居在清鏡塘

况君才力雄

萬夫覃經汲古窮昏晡力攻啖趙述左義遠紹毛鄭傳詩圖
名山事業良有餘叢書稗說嗤劉遽故園東指歸而逋楚游

詩句休追摹

西大軍用昌黎會合聯句韻送王侍御良齋先生峻歸常熟

眩目雪花高痒肌朔氣重鳳忽興故園思遂見歸計勇德裝

成一羽輕寒壓兩肩曉竅振風向號帆開浪猶湧來養痾

公志便問字我枕壅鳳結添卜商衣履曳原憲踵德叩建駭

洪鐘論典溯荒壟曉游常昇輿從境歎望洋恐來徑伉嗟俗

師流傳盡繆種鳳勃宰鮮囊該踏駁徒雜冗德逝矣昧火珠

誰歟搜汲塚曉袞袞逐頽瀾紛紛博世寵來先生管道樞末

學作梁棋鳳砭俗論必嚴匹古意未恟德覃思幹元造購籍

損官俸曉幽鍵啟奧窈銛斤斲拳踵來十道九域探萬卷百

城擁鳳聞昔烏臺遷羣驚白簡捧德志欲懲訓狐沸豈耐羣

蚤曉正色排嬖嬰直筆刺微燼來然犀燭罔象強弩射闕鞏

鳳佼佼厲丰規稜稜振劓德乃知一士謬直令百夫悚曉

旋解紫綬還閒薤碧草茸來酒兵整鞞勒騷壇集球琪鳳遂

初欣歸吳耽榮嗤得隴德吾谷峯嶙嶙向湖波溶溶曉閒身

付蓑笠塵鞅脫桎來搗來主講席多士資發冢鳳教比時

術蠅文喻吐絲蛹德問事愧長頭解疑快曲踊曉茲聆驪駒

歌正值鳥獸來往矣冰堅腹來思花坼鳳佇立望河干

霜林浩呼洵德

雪中聯句

作客歌曉消寒開酒坐忽焉繁德集乍疑微雨墮德淅

淅愁雲凝曉凌稜寒意作槎枒古樹撐來啁啾凍雀餓六花

舞欄盈鳳四野洗堀堞灑松密復疎德碾塵揚更簸疎篁折

有聲曉老屋壓欲破頗畏酸風火來差喜酒戶大韭芽糝吳

羹鳳蜜餌歌楚些食單列無多甫德新詩聊可和醉吟馬耳埋

曉狂擬驢背馱我儕苦羈孤來生計每摧挫今秋望倉箱鳳

連村收秫稷歲宴緩租庸甫德時平謝勞痺矧見宿麥抽曉益

資春種播對景良足歡來稱瑞彌當賀蝻蝻類已殲鳳松栝

寒猶裹白戰勿致師甫德閉門任僵臥曉

雪後宿西疇閣與升枚夜話

殘雪留清響挑燈入夜聽偶看池上月其坐竹間亭蠟燭霜

初下烏啼酒漸醒蕭晨重話別煙際理松船

沈孝子詩歸愚先生作傳

曾閱一逝成千秋誰與至性超同儔沈君自少敦嫠修生平

奇節驚庸流探丸嘯侶纏兜鍪竈娃嬰婢嬰公矛視血漉地

中恇憂以身代父何伊嘍荏苒遂去無相仇九龍灘險乘鳧

舟奔濤激箭煙雲浮獰颺震盪聲颼颼失勢一落成鯢鱗攫

身下水衝陽侯相援竟得棲沙洲便出薄夜供晨羞更生有

喜稱神庥東鄰曲突無良謀擺磨出火騰林邱神焦鬼爛靡

存留直入負母精神迢還視狸首心蹇妯赤燦感動來干振

空堂筦秸仍幽幽中年孤露悲松楸楣柱苴杖形臞瘠祥虞

中禮敢苟媮鮮民銜恤幾王哀觀者嗟歎相喧嗽百年歲月

如浮漚故老零落誰詳求吾師文筆同韓歐作為記傳傳方

州用事史冊資徵按況今孝治垂鴻猷表宅有典行遐陬

曷不抗疏陳珠旒定見綽楔森烏頭勿但傳詠供吳謳

由木瀆至光福宿奉慈菴曉登聖恩寺四宜堂望太

湖諸山還泊虎山橋同企晉策時作

小艇度斜橋北行向光福雪消露蘭茗雨霽淨篁竹冉冉見

江和益盈照溪綠淒風忽西來衣襟染芳馥香界此沿洄忍
寒意亦足矧有出世人孤標等冰玉相與呼青奴茶溫酒初
熟

斜照鱖鱖寒雲覆湖陰落帆過淺嶼宛對羅浮岑捨舟入
窈窕策杖歡登臨深蘿竄飢鼠密篠翻珍禽適窺荆扉靜遂
造精廬深甘泉通竹筧偶滴如絃琴疎籬散糞雪漠漠沾清
齋還餐松花飯共作擁鼻吟

寒鴉散林表落月明牆西幽人襜被行夾道香初齊迎風半
開茶映水紛高低背人宛獨笑對我如含悽恍疑翠微路姑
射耽幽棲澄暉上東嶺曙色開丹梯遠聞塔鈴語松篠藏招
巖

仙猿叫絕嶂野鶴鳴崇崗身行花雪裏鼻觀參微香榻來四

宜閣萬頃開湖光莫釐旣髣髴石公亦微茫羣峯七十二點
點分青蒼漁舟若鳧鴈欵乃煙波長窅然遺身世濯足歌滄
浪

茲山瓶萬峯三峯後繼起緇流共接席珠林照清綺日午不
逢人香雲覆流水石牀瓶盃存憑誰研法喜更窮碧照軒幽
興何能已斜暉下竹林半入蒼煙裏禪房放梵終佛屋明燈
始沿月向湖麋獨喚孤舟檣

水明殘夜靜小泊依山橋扣舷望西崦圓魄升松梢波澄鏡
皎潔露下風蕭騷江梅宛送客肯使芳華凋所愁清夢覺翠
羽紛刁調他時五湖秋再約乘蘭橈

舟還木瀆別企晉

梅海行來畫不如雲將同此上籃輿溪山處處漁樵伴村塢

江橫盈盈照溪綠淒風忽西來衣襟染芳馥香界此沿洄忍
寒意亦足知有出世人孤標等冰玉相與呼青奴茶溫酒初
熟

斜照鱗鱗寒雲捲湖陰落帆過淺嶼宛對羅浮岑捨舟入
窈窕策杖歡登臨深蘿竄飢鼠密篠翻珍禽適窺荆扉靜遂
造精廬深甘泉通竹筧偶滴如絃琴疎籬散螢雪漠漠沾清
燕還餐松花飯共作擁鼻吟

寒鴉散林表落月明牆西幽人襖被行夾道香初齊迎風半
開茶映水紛高低背人宛獨笑對我如含悽恍疑翠微路姑
射耽幽棲澄暉上東嶺曙色開丹梯遠聞塔鈴語松篠藏招
提

仙猿叫絕嶂野鶴鳴崇崗身行花雪裏鼻觀參微香竭來四

官閣萬頃開湖光莫釐旣髣髴石公亦微茫羣峯七十二點
點分青蒼漁舟若鳧鴈欵乃煙波長窅然遺身世濯足歌滄
浪

茲山剏萬峯三峯後繼起緇流共接席珠林照清綺日午不
逢人香雲覆流水石牀瓶盃存憑誰研法喜更窮碧照軒幽
興何能已斜暉下竹林半入蒼煙裏禪房放梵終佛屋明燈
始沿月向湖麋獨喚孤舟樣

水明殘夜靜小泊依山橋扣舷望西崦圓魄升松梢波澄鏡
皎潔露下風蕭騷江梅宛送客肯使芳華凋所愁清夢覺翠
羽紛刁調他時五湖秋再約乘蘭橈

舟還木瀆別企晉

梅海行來畫不如雲將同此上籃輿溪山處處漁樵伴村塢

家家水竹居喜有晴光飛乙鳥慚無吟卷繼辰魚時讀鄧尉山志中有

春感

東風飄蕩沈郎錢。躑躅開殘倍可憐。柳絮橫塘三尺水。年年辜負載花船。

芳草裙腰一道斜。王孫消息渺天涯。青苔小院無人到。暮雨瀟瀟落杏花。

養花風裏夜更遲。蘭燼香消欲睡時。料得繡桐吟罷後。絲窗唧唧寫烏絲。

畫篋粉消金鏤盒。紗幮香減藕絲裙。故園夢去分明見。小折梨花對夕曛。

宋人梅花長卷為企晉題

微霜下蘭皋。碧芳各已歇。淒淒歲欲殘。寒花見幽潔。夕霽明

清流空林上。初月遙憶昔。時人孤懷寫冰雪。

煙村在何許。渺渺依雲岑。閒門隔流水。脩竹鳴寒禽。微風湖

上至餘香散。疎林對此起。遐慕太息嗟。塵襟

愛君卜閒居。欲作五湖長。疎花散幽香。寒流發微響。以茲清

淨心披圖。愜幽賞。空山雨雪多。相期共來往。

無題和企晉策時

繡幌璇題接畫牆。昔時曾住永豐坊。已憐元相稱中表。未許檀奴預末行。傅粉共盤紅綬帶。熏香爭珮紫羅囊。遶牀竹馬

年方少。誰省微波足斷腸。

幾載煙波別玉真。瓊樓重見寄花人。見過去因果經露涼紅粉穿鍼

夜風暖。青蘋被襖長裙衩。吳綾分燕尾。釵梁楚玉刻魚鱗。名

四清清絕似
元相難憶此
昔者十四字尤
此倚薄易惜
不佳

世冠十二首
情倚靡用年
遠逐可稱合心
韻近非李差
勝揚別

香儻許經行共敢向芝田擬洛神

櫻桃欲謝掩重門肯爲春殘一愴魂珠佩自稱羅萼綠瓊函
常事魏華存牌分碧樹占花信欵劃紅欄記月痕更蘸泥金
書玉檢銀鳧縹緲麝煙溫

鬱金堂北玉欄杆竹密花深欲到難燈下瓊簫聲引鳳煙中
綵扇畫乘鸞梧桐月轉珠簾靜荳蔻香消寶篋寒小疊紅箋
何處寄連絲點點濕冰純

紅輪碧瓦夢迢迢不分三星在此宵鶴館靈僊懷許掾魚山
神女降弦超低鬟細語瓊籤靜擁髻微吟綵燭銷晴雪迴廊
殘臘近蠻牋十樣頌春椒

橫塘東畔柳如絲約畧春寒病起時錦檻花濃鴛睡暖玉階
風急燕歸遲香添屈戌閒調瑟雨潤梁恩晚鬪碁取次踏青

時節近王孫芳草最相思

雲母屏空閉玉除隴西上計感離居吳綿夜冷相思淚蜀錦
親裁遠道書茵省香銷霜落後蒹葭風定鴈來初秦嘉從此
成漂泊誰理明璫伴曉梳

朱鳥文牕掩碧紗嬉春嬾上七香車綠池過雨生芳草青瑣
無人落杏花寶帳獨看圍蛺蝶清歌誰共譜琵琶最憐紅板
橋南路官柳絲絲起暮鷗

蕭晨落鎖畫堂開花影扶疎上翠苔鳳脰燈銷寒未減蝦鬚
簾捲夢初回熏餘繡領移簫局調罷香脂拂鏡臺悵望西洲
芳訊遠玉羅牕下折殘梅

璇閨永日惜娉婷愁向衡皋望短亭芳信未傳金翡翠閒情
誰按玉瓏玲杜鵑啼罷棊風薄夜合開時竹露零晴碧樓前

銀漢轉新蟾影裏拜雙星
罨畫樓臺作晚陰瀟湘六扇翠鈞深妝殘自掩茱萸帳酒醒
低垂瑤瑁簪夜雨夢回煙浦笛秋風寒動楚江砧東堂折桂
歸期杳金薄搔頭夜夜心
鯉魚風起峭寒生明鏡瑤釵憶敘情錦字空留香漠漠羅衿
曾漬淚盈盈綠蕪小院人千里碧蘚空階夜五更何日玉櫳
偕寫韻便攜笙鶴上瑤清

送張鴻勛棟凌祖錫褚摺升錢曉徵曹來殷赴金陵
召試

柳外東風度 翠旗恰宜獻賦向 鑿輿 璇宮方上升恒
頌碧海頻傳 賜復書建業鶯聲新雨後滄江颿影夕陽餘
自憐抱病風塵下遙望凌雲重子虛

六他六他風可
真

山塘雜詩同朱上舍適庭昂及企晉升之來殷作

芳草東風二月天杏花春水一溪煙桐橋南去絲絲柳多少
濃陰覆畫船
落梅風定雨廉纖水岸春波一夜添好是玉羅牕格下賣花
聲裏捲珠簾
綠蕪紅蕩望中迷白舫青簾到欲齊正是嬉春風日好黃鶯
啼過玉樓西

疎柳微黃映畫旗輕陰漠漠雨絲絲橫塘二月春如水誰唱
當年白傅詞

寒更歷歷夜迢迢水館春深奏玉簫銀燭未殘明月上一溪
花影度紅橋
纔過花朝是禁煙銀泥畫舸盡堪憐客游又度傷心節日日

船廳跋脚眠

春風堂集卷三

題翁徵君壽堂 照飲酒圖

我聞東臯子結屋耕河濱君平坐名不可致醉鄉作記全其
真又聞白左司退官居渭上高臥吟詩獨閉門雨中盡日傾
村釀兩賢高尙世所無不惜痛飲稱狂奴暨陽先生昔嗜此
更情好手成新圖鴟夷縱橫列左右訶陵錯雜羅前後曹事
惟知中聖人醉吟每結空門友廿載江湖載酒行人問問字
爭逐迎龍頭犢鼻聊寓意豈有芑角胸中生九月西風木葉
下故山黃菊行堪把比鄰近局共招呼杯中宜有珍珠瀉我
亦生平倒接離興酬聊復一中之白衣何日來經過細和淵
明飲酒詩

聞過湘雲

春山

計有感

巾拂翛然謝世喧巫陽猶復望修門曉發夜鴻空招隱秋菊
春蘭藉禮魂踏雪僧來開貝葉碎琴客至黃芳蓀五湖花落
真歸去吟斷清詩浥淚痕 君行詩云我本台洲一散仙蘋花
零落五湖船如無對此不歸去七

十二峯
生曉煙

普照教寺

寶地雨初晴縣蠻報春曙夙知普照名蠟屐此吟步寺傳慧
旻開榜記並元著繡朵 軒旣蕭閒涵暉名室足閒豫條條海月
堂長共眉山住鐘魚時有聲香火久如故景蘇 閣名暨懷晉 亦軒
前修已雲鷲惟欣西方觀託蹟在閒素綠陰菴晴廊青苔
澗蘭路還撫北碣碑低徊未能去

西林禪寺

鮮飈卷層陰落景在林杪逸興晚未闌放艇春江渺遙瞻翠

堵波髣髴露雲表穿逕信透池登枕復窈窕創興歷宋元勝
槩俯峯泖上方諸品寂香外鐘魚裊邇研梵筴書始悟桑門
好有為本非法無相乃能了誦帚契忘言便衣事幽討還叩
西疇禪于焉洗煩惱寺為僧法編所修編受法于徑山比邱西疇

酬大木先生

京雒歸來三十年酒瓢詩卷作因緣宛邱詩法誰人會接時
家風在後賢

最憶風漪堂外路疎梅瘦竹罨清池知君禪榻茶煙裏日課
香山半格詩

頻年身世媿蹉跎短句長篇感慨多誰向旗亭來畫壁雙鬢
小部唱黃河

漂泊江湖會面難常從驛使報平安何由買得閒田地老屋

青燈耐歲寒

送曉徵舍人之淮南總河幕府

相送淮南去迢迢千里程北風吹五兩幾日過蕪城夜火明
山縣寒笳響戍營到時秋汛急辛苦念民生
東閣開樽日南樓點屐餘新詩供嘯咏妙理析元虛三十三
山客憑君問起居懸知對牀處詳晰考河渠

送歸愚先生游黃山

一眺袁朔富春湖直上天都道路遙萬古煙霞開絕頂千層
殿閣倚層霄丹崖翠壁終飄渺白鳳青鸞久寂寥想得高峯
長嘯處蓮華石筍鬱岩巒

聞說仙人有舊壇丹經寶鼎秘層巒蒼松拔地枝千尺碧嶂
凌空路百盤鳥道遙連雲氣合龍潭倒掛瀑泉寒自憐枉負

名山約未得相從倚杖看

八尺晚泊

亂鴉啼密竹溪口泊吳船潮落見收網風高聞扣舷湖雲寒
作兩山嶺晚生煙帶索誰家子行吟意渺然

重過倚湖寄蘇顯之及家碩夫

碧水渺無際秋旣喜獨乘絲垂三汊柳花落半湖菱雲樹
方永煙波樂更增相期招地主來此下寒罾

清涼寺

遙望三峯晚松篁窅碧雲幽禽臨磻語香梵隔溪聞逕曲流
泉咽壇空夕照曛孤筇歸路遠涼葉墜紛紛

竹堂秋夕寄張策時

晚涼松露滴山月墮西林捉席坐苔逕臨風張玉琴蕭條高

館裏寂寞脩梧陰無復共幽賞煙波勞素心

送張鴻勛之武林書局

高陽舊侶悵飄零錄別河橋柳尚青秋水一帆離北郭涼風
幾日到西泠澄湖山色愁中度遠寺鐘聲夢裏聽曾是翠
華臨幸地好將盛事譜圖經

題鴻勛所畫漁村晚霽圖

碧玉煙中遠嶂青瑤雨後寒流結个香溪田舍遶籬楓葉鳴

秋

落葉遲無人蹟酣霜林有鷓鴣屋後千叢竹秀門前三版橋

低

沙背斜陽渺渺山腰秋樹娟娟攜得瓜皮艇子菰蒲深處鳴
舷。

數摺汀花浦樹幾稜蓮浪蘆漪好。擊背蓬圓笠村南來約。只

旅夜寄凌祖錫

橫雲東望渺愁余。蕉萃風塵未定居。水館孤燈秋夢後。江城
新雨夜涼餘。白蘋花發思鄉信。紅豆歌殘憶故廬。何日吳淞
江畔路。扁舟一棹共樵漁。

同企晉斗初過上沙入水木明瑟園還望礪上草堂

振衣潭上行。水木遠明瑟。相攜入名園。初晴值秋律。層軒抱
池開。修逕依林出。紅藥冒曉煙。珍禽語初日。滄東信透也。硯
北最蒙密。孤亭仍翼然。往者隱遺逸。依稀介白蹤。煙霞遂病
疾。後賢復此居。名流萃膠漆。曾移太史星。未賦畸人室。勝地
稍荒蕪。新涼漸慘慄。還思礪上堂。高風渺難述。冰霜表清貞。

書畫寫真率百世良可師。三吳誰與匹。

禮堂寫經圖為鳳喈題

兩漢以來盛經術。後鄭著作尤超羣。旁通七緯驗飛伏。遠究
三統窮幽元。發為箋註百餘萬。扶風涿鹿難同倫。微言大義
昭宇宙。皎如日月懸乾坤。惜哉徐州避地去。不得寫定傳諸
孫。日西方暮恐失墜。作書訓誡含悲辛。何爲景侯逞私意。妄
恣排擊爭囂喧。中間復遇孝昌亂。師承家學嗟沉淪。誰能更
向千載上。遠思一髮留千鈞。吾兄崢嶸起東海。覃精畢力窮
天人。常登金臺叩閭闔。手拓石鼓搜遺文。復從武昌遡樊口。
坐看江勢來岷岷。一朝扁舟忽東返。遺經獨抱歸荒村。詞章
擊悅不足道。要在經義窺淵源。手編五禮作類考。州居部次
羅紛繁。空堂幽幽人蹟絕。耽思旁訊忘朝飧。深衣皮弁氣象

古大帶赤舄儀容尊庭前幼子來問業接武布武何溫醇羨君此圖信千古如君撰述真紛綸他年立朝典制作定使至治追羲軒即今空山自負犢亦足破俗開愚昏經師况有沈惠在謂冠雲定字兩徵君力追北學借窮論不朽大業著藝苑會看通德來題門

寒夜集家岡齡庭槐小停雲館分得露字

日落孤館寒驕人感歲暮相於訪素心依依接情愫眷言邱中緣共遵花下路叢竹來西風孤松滴寒露回矚青芝山蒼蒼起煙霧稍欣塵慮忘琴樽得佳趣夜深織月明流光照疎樹蘆間漁火生雲外禪鐘度星霜從此辭悵然念良晤

春融堂集卷三終

春融堂集卷四

青浦 王 昶 德甫

鄭學齋集壬申癸酉

璜川書屋喜晤趙升之時余與企晉將往金陵

三年輾轉不相見江湖淪落俱貧賤子方抱病守衡門余亦辭家居異縣今春鼓櫂闔閭城吳郎倒屣相逢迎開筵為置玉壺酒設饌更進金盤羹挑燈共對忽不樂遙思故舊嗟離索遠道方愁積雪高前溪已報孤舟泊攜手相看一解顏却陳舊事雜悲歡九秋伏枕已憔悴八口求食徒艱難憶昔相逢在白下書牀花嶼娛清暇嵇阮風流世所稀應劉文采誰堪亞一別蒼茫歲月馳短衣雄劍返茆茨高歌恥學干時術落魄常餘感舊思人生會合知難據斷梗飄蓬隨所遇後約

空期茂苑游離羣重向金陵去明發沿流放畫橈滄江風急
雨瀟瀟祇將元武湖邊信遠寄春申浦上潮

京口聞潮

蓬牕半夜聞疎雨蓬尾寒深人自語始知風捲暮潮來颯颯
清流滿孤嶼勢衝沙背斷還連聲激殘蘆散仍聚我憶焦山
枯木堂燭冷香銷曾聽取隔溪漁火半微茫對月梵音雜淒
楚而今江海尚飄淪病身難借觀濤愈不如木石等吳兒弄
潮日向春申浦

龍潭遇雨不得游寶華山悵然有作

冥冥江雨繁活活春泥潤竹靄雜松雲不辨峰嵐峻遙緬寶
華山誌公此發朝銅殿祕華鬘戒壇契香印羣遵梵網嚴妙
獎毘尼進茲日阻招尋多生愧起信人暮溪館寒孤燈半成

暈獨夢碧琉璃還思寄芳訊

同企晉來殷眺後湖

西上鷄鳴山北望元武湖湖濱雪消春水漲十里漠漠湘紋
鋪青溪秦淮互映帶覆舟鍾阜相縈紆白波碧嶂非一狀江
山奇麗南中無憶昔創始自寶鼎開渠引水勞千夫大興元
嘉遞增飾華林宮闕雄南都朝吟新詩召詞客夜設綺席陳
宮奴繡襦玉漏一瞬耳六朝佳蹟堪嗟吁射雉場空長宿莽
尚雞埭遠餘寒蕪惟有茲湖向千載浴鳧飛鷺相嬉娛嚴城
燈火出畫堞古寺鐘梵來浮圖徘徊弔古不忍別回看落日
煙模鱗

白牛首山至獻花巖同企晉作

春雪已盡消春風亦漸轉浮青雲外出嫩綠草中顯我友選

勝懷呼朋往游衍出郭三十里修途近層巘石亂泉暗響松
深徑難辨此間名天闕壯觀恣睥睨祖堂與幽棲歷代勝堪
選古蹟不盡存遺墟尚可緬相與循兩崖苔滑誰能踐拾級
喜先登敢辭雙足趼

隔林聞寒鐘引入招提勝碧雲見青松嵐翠更相映屢屢望
孤巖透池盤曲徑聞香入寺門龍象諸天正融公啟道場瓶
盃南來盛古公復繼之一一華嚴境豈惟願力深實藉禪心
定欲尋十笏齋于此愜幽性

秦淮

攔街猶放上元燈比似秋來景倍增絃管風和聲細細綺羅
人遠影層層半輪蟾月依簾下幾樹梅花隔檻憑況是石城
多俊侶不辭浮白共飛騰

吳閶雜感

東風早過試鐙天又是清明欲禁烟愁絕通波橋下路杏花
微雨溼秋千

翠葉成陰倍可憐蹋青人去草芊芊桃花落盡春無主約略
東風到杜鵑

芳渚迢迢送綠波紅欄橋外畫船多花時玉笛三更月齊唱
江南水調歌

板橋楊柳一枝枝嫩綠柔黃日影遲誰向棗花簾子下玉簫
重譜斷腸詞

玉蘭花發度芳辰十里長堤起麴塵寂寞金閨亭子畔綠陰
門巷送殘春

水國春寒唱竹枝誰人更奏玉參差江湖載酒心情嬾禪榻

公絕俱清綺
宜人三四首尤
有晚唐神韻

茶烟感鬢絲

小院蘼蕪綠幾叢。落花飛絮滿牆東。衣香人影年年事都付。愁中與病中。

絳蠹初殘寶篆温。春來無處不銷魂。故園忽憶吳淞路。細雨菰蒲水到門。

沙布衣斗初

維杓

黃孝廉芳亭

文蓮

吳企晉趙升之

及朱上舍吉人

方藹

枉顧寓齋同曹來殷過滄浪亭

至韋公祠而別并訂西山之游

綠草盈堦生春光。靄已暮同人相過從。依依話情悵。溪樹藏鳴禽。蘭皋落飛絮。一咏滄浪吟。幽尋共微步。

平橋几幾曲。綠水生微波。東風一以至。落花行復多。溪亭紛秀窈。竹樹森陂陀。歐梅久寂寞。懷古情如何。

行行遵枉渚。言尋韋公祠。青蕪被苔逕。綠樹陰堦墀。緬懷流

亡句。千載同歎歎。昔賢不可作。此意誰能知。

夕霽明春流。池塘忽已晚。林端古堦斜。煙外蒼山遠。悵然從此辭。悠悠卽長阪。幸有山中游。佳期庶能踐。

家秀才存素

懔

爲畫三泖漁莊圖因題六絕

生平不擬託樵漁。故紙堆中作蠹魚。賸有恒春橋下屋。更煩老筆畫幽居。

米堆稻廩隔溪明。薑菜花繁豆莢榮。落盡緗桃春過半。煙中布穀勸躬耕。

春

漠漠山雲午漸收。新苗雨過綠如油。捲書還向橋南去。垂柳陰中課飯牛。

夏

小小茅茨儘日閒。偶然生計雜漁蠻。高梧搖落秋槐盡。望見

躬耕字可厭

東南數點山

吾鄉九峯玉屏蘭笋四山秋後皆可望見

柴門不敢槿籬斜
小雪西風餞歲華
喜見東臯滋瑞麥
更開臘酒伴梅花

溪山平遠是南湖
畫出幽風小樣圖
說與江湖諸舊侶
頭銜從此作潛夫

同作

長洲 沈德潛 歸愚

魚扈遠延接鴈汀
伊人新勒草堂銘
三重湖泛天邊白
九點螺橫鳥外青
菰米飯炊香淡淡
水仙操動韻泠泠
往來時有樵夫迹
問答微言惣性靈

題王孟端畫竹

古來畫竹豈勝數
要在雅尚先孤超
取神工意不工似
斯覺格外留芳標
蕭郎竹譜誰得見
輞川石刻今蕭條
洋州松雪

並蕪沒妙蹟何處存
生綃友石山房最幽潔
頗愛月夜聞清簫
何時寫此數尺畫
淋漓淡墨橫霜毫不踈
不密互掩冉若遠
若近通迢迢慧車山水
吾肺腑乃得此意煙雲
高想當六月挂素壁不
畏溽暑蒸炎歎生平癖
好異喧俗拄杖叩門何
辭勞一見眼明欲輕舉
但乏好句如瓊瑤空庭
無人黃葉墜書罷日落
風刁騷

遠翠樓月夜有寄

東望吳淞路渺漫
月華如水露華寒
離鴻聲斷銀燈暗
睡鴨香銷玉漏殘
遠道頻傳黃絹字
佳期遙隔碧雲端
金波三五依然在
莫怪方諸淚未乾

題翁丈霽堂三十三山草堂圖兼送其北行

君山黃山高峯嶽
蒼崖碧嶂青巉巖
松風亭榭各杳靄
石潭

澗壑爭空嵌茶岐覆酒及彭墓昔山名岡阜出沒森岑崑下瞰

長江落東海洪濤急溜何冲颯山盤水鬱儲靈氣宜有碩士

超羣凡譬之森森豫章木就中獨秀惟松杉先生天才本卓

犖元文自少參機緘生平嗜學五十載矮牕短檠恒詰誦篋

中著述自祕惜一一金薤垂琅玕力追風雅宗漢魏下逮唐

宋供雕劂詩才已足雄一代經義更欲窮千函緬思孫爰馬

昭不可作鄭學往往遭譏讒詩箋禮注絕業在諸儒同異勞

爬芟昨者翹材大闢館鶴書鄭重來空巖掉頭一笑不肯顧

荷衣豈願更朝衫三十三山幸無恙漫郎漁父稱頭銜朝聽

飛泉聲颯颯暮看新月光撒撒蘋溪把釣泛小艇竹院種藥

攜長鑊題襟載酒有素侶相與酬倡揮秋鶴朝川朋好和裴

迪左司弟子來王咸襄陽耆舊月泉社主盟風雅誰能監卽

今鶴髮垂過耳猶自健步追麕麇籃輿筍屐足行樂底事筇

杖相扶攬國家雍熙尙儒術大臣薦贖本至誠石渠天祿

久寂寞須待都講窮洪纖莫向白雲愛高臥亟趁六幅煙江

帆帆

法眼有妙悟

雨後同斗初企晉來殷過支硎山寺

杳杳白雲合空山欲暮天青松滴疎雨碧澗響寒泉風度竹

房磬燈明茆舍煙愛看林際月流影照溪田西齋詩話

雨夜宿靜菴上人法音菴

苔徑滴寒雨草堂明夕燈疎鐘沈遠寺落葉下荒塍習隱偕

宗炳棲禪共惠能秋山應更好明發試同登

寒山別館

自別寒山路重游六載餘風泉秋更響霜竹晚來疎翰墨留

遺宅雲林憶隱居盤陀一片石吟眺渺愁予
法螺

修竹杳無逕秋禽自在嘯松雲開遠嶂石瀨響迴谿叢篠緣
階上疎花入戶低不逢向居士誰與共禪栖

秋夕宿楞伽寺

涼雨夜蕭槭清溪流暗泉稍聞宿禽響時墮西齋前短鬢已
如此素心誰更傳無生思妙契願證永嘉禪

陸魯望祠

渺渺寒波動碧虛天隨祠廟對荒墟聯吟尙憶松陵集勝事
空存笠澤書泉石高風留史冊江湖遺蹟感樵漁獨憐杞鞠
無人薦斜日空庭落葉踈

橫塘

菰蒲秋水晚生涼香渺青山送夕陽十里蕩花香不斷畫船
燈火到橫塘

新月

遠水殘虹送夕陽又看清影度梅梁珠簾乍捲銀鉤冷玉鏡
新開翠黛長早鴈星河光黯澹棲鴉池館夜昏黃故園忽憶
蕉花溼下拜曾同一炷香

綠苔生閣晚蕭條一抹微茫近綺寮清景難同仙漏永澄暉
欲向暮煙銷玉繩夜轉吟徐鉉銀漢秋橫感鄭遙最是離人
魂斷處西風疎柳似殘宵

西窻人靜掩珠櫳依約初弦薄暝中一縷晚沈秋水碧三分
斜映暮霞紅金盤露冷低蘭渚玉笛風寒暗桂叢料得曉妝
初罷處恰將眉譜鬪玲瓏

娟娟翠色下檐楹。漸到西南倍有情。花外銀屏光尚淺。階前
瓊樹影初橫。玉鉤仍照人千里。桂魄難禁夜五更。惆悵烏啼
殘夢後。獨留珠斗在瑤清。

九日企晉相招小集因病不赴以詩見示賦此奉酬
風雨重陽節。候臨書來相約。比兼金畏涼。只喜蒙頭睡。強起
猶為擁鼻吟。吹帽遙知詩筆健。漉巾誰愛酒杯深。病中歲月
匆匆過。應俟春來再盍簪。

邨居雜詠

卜築離塵市。栖遲掩石關。芥花下試砌。草雨。中刪鳥散。蒨
檐寂。香銷竹院閒。小樓簾半捲。恰對夕陽山。
硯譜隨時讀。漁經信手鈔。幽棲思五柳。真逸憶三茅。乘月開
琴匣。衝波載酒肴。自憐才性拙。彷彿似青匏。

六首 九作佳文

桂字韵 雜作
寺上 履

竹榻臨疎牖。藤窗對小池。漆書明古本。石墨校殘碑。飛絮時
時落。疎花故故垂。此中愛蕭寂。襍穢豈能知。
藤刺輕衫胷。苔痕短杖粘。緣籬收豆荚。臨砌辨花籤。爐焙雲
腴潤。庭移玉版尖。徘徊當薄暝。一桁照新蟾。

校訂漁舟服苻簷。野屋窻遠山春緯。繡涼雨暮。琤琮短笠勞
僧送疎鐘。愛寺撞靜中。殊自得非擬。鹿門龐。
圓柳煙中寺。吳淞水上亭。柳絲風嫋嫋。蒲葉雨冥冥。游屐隨
來去。行歌雜醉醒。生平江海意。幽興託松舲。

飯慶陽院訪水月軒故址
曉聞雲外鐘。徐出山間寺。蠟屐載招尋。禪宮洵幽異。霜餘楓
葉稠。雨過禽聲細。偶領旃檀香。兼飫伊蒲味。遂訪水月軒前
賢。渺延企懸知。秋夜長。遺經究深祕。未成春曹詩。自撰讀書

斜陽正字當

記標格接清翁師承軫遜志晚從白鶴仙素業久凋墜丹泉
篋澄泓竹屋起涼吹還度錦溪橋斜陽疊蒼翠
我從六峯來穢糴向溪口碧雲如有情招邀出林藪遂尋開
土居遙聽霜鯨吼天馬勢猶騰神魚化已久小山儼屏障濃
綠撲窗牖何人斲石骨一試干將手西風忽淒寒計日過重
九聊分出寶泉稍代盈樽酒俯眺圓泖湖漁村隔疎柳更聞
欸乃聲煙中屢回首

泊細林山下夜雨

落帆長谷東煙波漾微暝初月下蘆葦層霏隱漁徑時來蕭
蕭雨隨風動清聽遠參寺鐘疎偶雜村春應遂增秋意寒彌
使禪心定獨客黯青燈同誰賞幽興緣知雲外山詰朝倍脩

說

紫堤

夏考功九彝沈淵之所

望重三吳社身填百尺潮清廉循吏傳哀慟義公謠玉樹還

同隕

謂節愍

霜松亦後彫

陳黃門之沒後考功月餘

空傳堂斧築難覓楚辭

招

盛侍御符升曾葬考功有詩云在小崑山見釋堂詩鈔其墓今求之不獲

題岡齡南園新居次歸愚先生韻

小築新開水石居松篁蕭瑟峒川如麴煤靜校雙鉤帖魚卵
分題四部書元亮閑田供種秫杜陵小徑足栽蔬枯荷折葦
楓溪路吳詠吟殘獨掩廬
蓬蒿甘作野人居蕙圃梅坪畫不如叢篠風生聞鳥語疎槐
葉落見蟲書山厨曉煮青精飯藥徑晴分赤甲蔬水北花南
誰與共羊求來往伴衡廬

靜細

宋由室集卷四

九

怊悵停雲少舊居羨君接蹟有誰如君齋額小停雲藤窗小燈梅花
卷竹榻新簽具葉書雨後評茶移石鈿尊前翦韭足香蔬不
須漁火江楓畔煙水迢迢憶故廬君舊宅
橫雲山下卜幽居料理殘經日晏如六學先推虞氏易千秋
已定伏生書伯愉自分終邱壑季偉知能具草蔬可許叩門
頻看竹茶煙禪榻共精廬

題姜孝廉靜宰恭壽秋夜讀書圖五十韻

金行黓斂風訇哮鴨鵝夜語啼鶻鶻繁霜蔽野枯芡苒誰結
老屋營香茆君才兀稟雄虎虓經筭義府供爬抓發為奇作
盤螭蛟洪河決滌峯巖嶽落紙十手爭傳鈔廿年作客揮長
鞘馳驅南北凌礮礮斑斑櫺具光文鮫軟紅不惜緇征袖沈
錢散玉多蘭交詩歌倡和如笙篳陳設壇解誰謹嘔汗漫忽

憶山靈嘲故園無恙歸巖坳回溪綠淨疑湖漢歸來結隱棲
書巢駒隙忍使從閒拋墜葉蕭械飄危梢階語蝨蜻纏蠹蝓
老鶴孤宿拳矛骸玉盤出海懸高櫺銅蟾燈燄花含苞中夜
雜誦聲警嗃漏籤每至鷄啣嚙倩人擣麝和魚胞作畫為解
丹青包我亦避俗辭紛殺蟬函蝨簡供珍庖禮宗鄭氏辨禘
郊易師虞氏探著爻會稽北海咸哮嚙惜哉陋儒徒魚然詩
學近更多輕諺西江格律人爭蘓槎枒寒瘦矜私伎漢魏初
盛垂雲旃何李繼起同雙嶠底事彈射飛金髀汝曹磨滅猶
流泡隻手誰為懲昏恆望古灑淚常心勦知君信我言非曉
苔岑夙契漆投膠願扶古學除鼃咬興酣攄寫煩推鼓偶做
時格毋訾警

秋夜寄曉徵于京師效元白體

露荃聲咽鴈聲遲。薤簞初涼欲睡時。吟遍閬州元相句。憶君無計寫君詩。

當時競說王錢體。醉墨題詩蜀紙紅。不料有人摹本去。家家粘遍畫屏風。

曹郎勸酒紅螺盃。馬叟徵歌白鴿鹽。絕憶嬉春來往路。幾枝疎竹亞重簷。

萬年枝上娟娟月。此夕知君侍建章。吟得翻堦紅藥句。好傳芳訊到江鄉。

同朱子存

研

適庭凌霄

漢倬

蕭徵

莅恭

孟容

士廉

游

天平山

雨過泉聲急。迢迢出翠微。白雲松際寺。紅葉竹間扉。日暮疎煙斷。山寒過客稀。只應修靜社。來此坐忘機。

寄周秀才欽萊

準

問訊迂村叟。憑誰共歲寒。遠游登白嶽。投老向黃冠。壯志虛千里。悲歌感萬端。青鐙茆屋裏。風雪獨盤桓。

寄徐上舍穀函

以坤德清

歲晚匆匆別。分襟一黯然。人歸三泖渡。客上五湖船。雨雪懷良晤。溪山憶勝緣。餘不春漸好。相望渺風烟。

茗水溪邊路。聞君有故廬。樓臺明鏡裏。雲樹夕陽餘。篋滿新題句。家藏舊賜書。相商持釣具。來共卜幽居。

題盛上舍青樓

錦

細雨騎驢入劍門圖

若遠若近山。有無忽起忽滅雲。模劔峯如玉。簪互重疊水似羅。帶相縈紆蠶叢鳥道古。天險蒼茫直控西南隅。鞭絲在手豈在頂。鳩來劍閣驅征驢。羨君意氣本豪縱。揮斥八極隘九

區江山奇麗入眺覽不畏閣道多崎嶇踏泥盤盤躋絕壁眼
界開豁窮遐陬俯眎河潼在几席遠瞰沔漢同杯盃煙中彷彿
辨荆郢鳥外縹緲連夔巫爾時雨師作狡獪奇景變現來須
與枯林冥冥叫猿狖苦竹颯颯啼鸞鷺長嘯忽憶渭南伯當
年此地想馳驅流傳詩卷七字在千秋清興誰能如便倩好
手拂縑素雲烟咫尺生空虛我思放翁在西蜀女真日日尋
戈戛大散關前烽火急秋風鐵馬凌晨趨賦詩草檄感大義
中原未定空嗟吁方今太平一寰宇梁益以外歸方輿白鹽
赤甲冠天下但有絕景供嬉娛古今俯仰事勢異性耽山水
無差殊今君席帽回東吳遁跡近託先人廬山塘晚霽水漠
漠銅坑雨過花䟽䟽韋公白傅來往地曷不放擢游五湖更
磨一片好東絹重寫蓑笠元真圖

家二癡亦作漁莊圖題兩絕句

斷靄殘雲隔遠汀柳陰深處見魚船莫嫌水墨翻新樣還是

山人舊典型

二癡爲鳥目山人季子

新裁袂衿伴元真修竹鄉間作隱淪他日期君來過訪綠蘋

紅蓼共垂綸

送霽堂之淮上

作客同誰侶蒙君獨過存長貧憐趙壹知己感虞翻聽雨開
書卷尋山命酒樽相逢仍話別黯淡欲銷魂

三十三山裏亦齋傍翠微夕陽栽藥圃春水釣魚磯石逕花

爭發雲林鳥自飛何時歸隱去載酒過柴扉

藥裏憐多病征衣念暮寒匆匆臨遠道款款話加餐蕙草春

前發梅花雨後殘文游臺畔路吟眺足清歡

企晉招集遂初園
 夢覺聞鳴禽松檐雨新霽
 良友相招尋春風送蘭棧遙望靈巖
 雲湖山澹蒼翠
 杳杳循修塗依依踐叢薄
 遠水明橫橋疎林翳高閣
 相於素心人琴樽此棲託
 歸鳥趨寒林夕陽下高樹
 睠茲邱中緣幽尋共微步
 日暮聞疎鐘迢迢出烟霧
 空廊寂無人人夜轉幽獨
 寒飈激長松清露滴疎竹
 幾曲花溪深澄波漾微綠
 白雲靜遙天明月出高嶺
 蕭蕭梅花林寒香散幽迴
 忽憶盤嶠山前溪放煙艇

題子存吉人企晉所畫冊

押學字頗佳而
 涉未鍊于游息
 山亦有云潭色
 清春空山靜游
 魚響似轉山如
 後

石磴繞寒雲
 茆齋依宿莽
 古逕杳無人
 寂歷秋泉響
 香茆竹外亭
 秋草松間路
 想見尋幽人
 閒曳孤筇去
 落葉被重崖
 飛泉赴空谷
 烟際夕陽明
 疎林見葦屋
 曲澗爭流寒
 瀑平林怒捲長
 風安得龍鱗石
 上焚香靜理枯
 桐
 溪南一棧山
 自橫塘泛舟至木瀆登靈巖還宿企晉青瑤池館晨
 與企晉適庭斗初來般暨張布衣崑南
 過上沙水
 木明瑟園抵天平入龍門歷法華洞諸勝
 弭櫂遵山行倚杖舉宿莽蒼翠散寒空
 步步愜心賞漸進塗
 轉紆升高勢益敞枯木含華滋喬松激清響
 頰首矚具區煙

水互漭泱幽境非淺涉靈蹤發深想會物感自今弔古悼已
往招提雲中開孤遊緬疇曩眷言來卜居繕性脫塵鞅

空山生暝色喬柯暖微暎揚舲迴北清望見煙中村靡迤雲

木暗掩藹桑麻繁吾友解簪紱居此辭塵喧睽孤意久索嘉

會情彌敦矧有良知輩古義來同論明星照榆柳華月升前

軒置酒布瑤席振衣登邱園夜寂發澹慮景曠安營魂思劭

羊求蹤抱樸棲衡門

晨起天宇曠朝曦麗東隅同人陶嘉月縱棹尋椒塗桑莢被

新術叢條藏精廬先民鴈咏地

朱竹垞先生有水木鳴瑟園賦

水木森繁紆

沿溪抗高館對嶺疏幽居初入尙荒藹稍行遂清虛薄雲送

飛翼棲川緬儵魚師彼濠上意卽事良多娛

吳山恒透池天平殊竦峭陽崖豁屣屐陰洞森窳窳嶮岵駭

鬼工歛仄見天巧羣峯麗近翫廣澤延遠眺覽奇意無歉歷

險境逾妙遂協謝客懷擬發阮生嘯叢篁起層颺喬林澹頽

照綠塗謝振策映泣理歸權逝將期重游永獲仁者樂

題鄭上舍迂谷

廷賜

乘槎圖

祝融應節揚蒸歎火雲赤日連昏朝蕭齋無事踣壁卧每思

決起衝風颺忽聞打門送急遞開緘彷彿生波濤龍門西去

望不極長空一氣連魁杓大章豎亥昔未步莫向星宿探支

條枯槎斑斑積古色但記七日乘靈潮何人振衣獨危坐竟

想絕域恣遊遨馮夷擊鼓倏隱現鯨魚跋浪紛周遭牽牛河

鼓若可卽俯仰恍忽凌層霄我聞大行昔奉使西域大夏驅

星輅出駭出冉極寥沈玕枝蒟醬來迢遙蠻君番長受約束

坐令東面歸王朝黃姑機邊一片石幾曾銀漢尋星橋流傳

錯誤不足數要在功業垂岩堯今君慨慷負偉略常笑搶地
 同鷓鴣桑弧蓬矢有素志時倩好手圖生綃他年乘時持玉
 節馳驅萬里誇人豪題詩落筆一長喟涼風颯颯來林梢
 風利不得泊言經西神山山當具區背雲水紫煙鬢此區洵
 清遠世亦出世間朗人每輩出友石懷孟端竹爐圖書古自
 寫松濤寒迄今翫遺製赤堠離琅玕昔賢尚幽閒吾道宜淒
 酸嘉游惜未遂蛾綠何由餐頗聞泉第二小杓分龍團茶熟
 風亦定月上芙蓉灣

秦淮感舊示嚴秀才東有

長明

頻年閑訪秣陵秋南部繁華感舊游銀葉香銷天似水
 簾捲月如鉤板橋往事思沙嫩畫閣新聲記石州惆悵六朝

情事可思

用字字使沛

殘夢在藥鑪經卷伴牢愁

潮落秦淮起暮颺斷蛩新鴈薄寒時玉箏誰勸花前酒金縷
 空留壁上詞渺渺煙波桃葉渡依依風露小姑祠江關憔悴
 無人省只有傷心小庾知

秦淮別凌祖錫張策時趙升之

長颺送烟帆忽屈金陵道正值素心人蘭言展幽抱水閣擁
 匡牀梧陰趁夕涼風華江左舊珠樹粲成行聽罷三臺曲芳
 樽湛寒淥劇飲醉何辭歡言意未足冉冉月初圓清燈照別
 筵來朝聞欵乃各上渡江船二君鸞鶴姿夙著春申浦世譽
 儼羊何詞章動吳楚黯黯惜同羣天涯袂又分幾時還聽雨
 淡月憶論文求名非所知學道期相共歸路向邱樊笙墳足
 吟諷寥落白門秋溪山感勝游相思如命駕好放剡溪舟

天發神識碑

在江寧縣學

煌煌禮樂地赫赫金絲堂東偏聳高閣數仞連宮牆其中貯寶刻倒薤生精光云是吳天墾勒石垂高岡歲久裂為三剝蝕難成行鑿缺卧草莽抵觸來牛羊越時千百載乃得歸曹倉珍奇神鬼護輾轉依膠庠晶瑩蒼且潤體質堅而剛剗苔抉塵土筆勢分低昂或如二曜麗或如五緯彰虹霓鬪絢采雷電爭礮礮鯨鼉躍巨渤騏驥騰康莊軒軒鸞鳳翥宛宛蛟螭翔倚天長劍拄射日雕弓強五重錯錦繡兩邸侔珪璋遺瀛變籀篆俗體陋鍾王自從保氏後六書久微茫盤杆暨蟬蚪爰歷兼凡將失傳至秦漢惟此稍頡頏自當與球圖藝苑傳琳琅維時東吳末驕主行荒亡扶輿示警戒厥咎呈禳祥玉函發神識矯詐詎可詳蘭臺與東觀相繼摛鴻章誰知削

木榜風浪浮龍驤黃旗語終驗青蓋歸洛陽禎符豈足信妙蹟焉能忘摩挲逮曛黑欲去心旁皇

樊秀才 明徵 贈瘞鶴銘

樊君嗜古如歐趙示我碑文出江徼掛壁猶疑波浪奔入函更覺風煙繞此碑舊刻在山巖何時淪陷歸深奧水落常看獷狘游潮生屢值蛟龍嘯豈期五石出崇淵寶刻重教瞻墨妙滄洲使君既好事紀元退谷精讐校自來比擬換鵝經不識仙蹤更清峭通明當日住三茅華陽真逸傳真誥玉柱金廷自昔聞洞天福地疇能到重重樓閣仰巍巍謾謾松風動竄窾空中鸞鳳尙時聞華亭靈羽何須召縞衣硃頂上圓壇警露餐風伴高蹈清唳時聞出九皋招魂自遠歸三詔丹陽仙尉亦畱連江陰真宰俱傷悼摩崖奇蹟記千秋直向山陰

伴逸少後來聚訟互評量魯望逋翁焉足道太息松寥我未
經與君何日攜單櫂摩挲殘碣發幽光並望胎禽游海嶠

青溪夜泊寄朱肱

今夜秦淮宿娟娟玉露秋風生桃葉渡夢遶荻花洲舊宅思
江令新詞唱莫愁惟聞一片水鳴咽向東流

畫舫青溪渡迴牆白下城西風楊柳岸搖落倍含情水調三

更遠銀河永夜清曉寒聞斷鴈淒怨又南征

遠道傷漂泊佳期感滯淫風花吳苑地悵望每沾襟蘅杜逢

秋晚煙波入夜深更愁東去路殘葉滿楓林

泊北固山下入甘露寺訪六朝諸遺蹟

一試乳井泉再啜新豐酒秋風向晚寒瑟瑟凋煙柳江山合
雄俊勝槩數京口蕭郎昔北顧嘉稱被陵阜何時壽邱荒空

第四律亦弱

四律差可而氣
勢未與此等
五律固犯易

見很石醜飛揚蓋世才寂寞千載後玉蕊亭亦蕪崖州但回
首甘露獨巋然僧伽傳最久落照下長波紫翠無不有樓臺
儼畫圖形勢抱跟肘海月猶未生奔濤激林藪

京口寄江秀才賓谷及其弟子九

明月照江水。笛聲江上樓。西風吹落木。一夜送行舟。我欲搴
芳杜。因之寄昔遊。隋堤秋色遠。相望不勝愁。

夜泊丹陽

權歌人語共淒清。又聽江鴻第幾聲。寒月如霜霜似雪。雲陽
驛外夜三更。

香水溪邊別舊遊。二分明月夢揚州。舵樓橫笛誰同聽。只有
寒燈伴客愁。

自京口放船至揚州

年德皆味

玉帶山門路扁舟幾度來依然開放梵縹緲出香臺
雲樹西津渡樓臺北固山江帆斜照裏相送度邗關
綠檻煙中艇青帘水上樓夜深聞玉笛涼月滿寒流

舟中曉雪懷張崑南

晨起聞嚴風孤篷灑殘雪葑屋炊煙稀古邗人蹤滅初日曉
更陰層冰散還結稍聞寒禽啼或恐孤松折川塗曠無垠平
蕪但蕭屑忽憶素心人清唵對林樾彈琴慕古歡掩關事禪
悅蕭然委巷中渺與人世絕迢迢千里餘相思值窮節良晤
日已疏遠問何由達緬懷林下居惆悵天涯別

古仙女廟

殘雪迴塘夕照遲明珠翠羽儼空祠蕙香幃卷爐煙歇時有
靈風颺畫旗

訪水繪園故址

何人置酒更逢迎勝地猶聞重雉城敗舫久無賓客坐荒畦
尚付子孫耕簾前董宛曾題畫花下雲郎記合笙吟罷遊陵
腸斷句亂鴉殘照不勝情

田家夜宿

疎煙起葑茨朔吹動林麓飛禽相與還行人計棲宿蒼蒼夕
靄中一逕入喬木農家農事閒留賓解款曲虛牖隱荒榛頽
垣翳苦竹夜深寂無人寒燈照深屋卽次幸已安稅駕何時
卜歲晏思故居悵然感幽獨

曉發

卧聽嚴更盡推篷問去程江波寒自湧海月曉還明雪霽瓜
州渡雲迷鐵甕城中流聞旅鴈浩蕩感浮生

晚泊澄江

苦竹黃蘆晚泊船江湖歲暮自蕭然寒潮渺渺來千里芳序
駸駸又一年村舍參差殘雪地煙嵐層疊夕陽天回思西蠡
湖邊路曾試岡頭第二泉

座主夢文子先生麟贈詩四章敬答

騶虞游郊藪五彩分丹黃鸞鳳棲阿閣六律諧宮商英賢出
間世天地增嘉祥公家由溟渤箕尾垂光芒簪纓傳累葉勛
業銘太常少時握彩筆高步登巖廊中州拔杞梓南海收圭
璋揭來持玉節星象臨文昌生平愧樵昧寧敢馳康莊豈期
國士遇親炙居門牆

天文賁人文山河分牛斗誰為大雅宗宗伯實稱首歸愚先生洪

鈞發鏘鳴賡歌著朝右王鳳錢曉並師承吳企曹來沂先

後承蓋得趙升張策擣辭媿瓊玖勉文字交徵逐嚙杯酒

幸逢伯樂來空羣別牝牡數子皆雅才道藝各自負儻能拔

其尤風雲偕奔走握衣奉教思立言期不朽

梧桐生高嶺意在干青霄蘭蕙出遠浦花欲揚芳臯生年迨

壯盛當路誰能招何時出泥滓登席如瓊瑤玉衡忽南至長

養敦寒條微材被潤澤弱植歸甄陶惠以五言詩高唱絲風

書紳垂永矢歸去誇同袍

山近東溟長江繞其足朔風一夜號飛雪皓巖麓寒士裘

已迫促歸舍辭春萱羣賢互相逐盈盈酒一罇隱隱帆半

幅欲行未曾行攬袂淚頻續科名詎可期道義奉所勗永佩

金玉音征塗日三復

金五音原作

蒙古書

麟文子

璫葩麗雕榭春飈扇崇蘭美人衽服坐瑤瑟聊獨彈朱絃
靜理蘊遠調清徽完音希闕古意闔戶資幽歡殊響繁夜
叢泠泠曲就殘綜往兼慮來引領起微歎願折珊瑚枝持
謝知音難

之子亦何好窈窕光容儀落葉朝翩翩手持瓊樹枝翠璫
飾珠珮翔步臨前墀噓蘭拭洞簫不惜勞空閨明月來廣
除曲斷無人吹含睇稍延佇我願神為移曲調寧不嘉白
日方西馳努力愛景光崇德為子期

暄風被陽林巖構榮丹葩蘭芷及荃蕙郁郁回春華輕颺
發芳豔孤秀凌朱霞太古忽已遙入耳皆淫哇不悲元音
遠坐患流無涯斯人詣淳古指摘勞相加願製芟荷衣怡

子以清嘉

謂鳳階企晉諸子

元音逝已久瓦缶空陳陳哀哉枯桐枝俯首同殘薪大雅
出晚世古意陶天真靜參淳悶趣援手扶奔輪沈光祕元
訣和性噓芳春斯人亦已然此曲何難申咫尺獨緘憶悵
望勞嘉辰

謂沈宗伯

此兩卷多清綺之世為集中最佳蓋山水花月之勝固足以
倚抱助佳思也士居承平之世生長江此春結秋壺巖節
浪擢寄閒情於款扇結靜悵於禪錫興趣既高吟詠自
遠展既之下修出我思發玄穀而節柯山李侯家誠於都

以寓言

春融堂集卷四終

聲名頗沈范啟思遺際比嚴徐最憐此後

關河夢時向瑣川問起居

原作

吳泰來

雪霽吳關放溜初東風楊柳拂征輿渡江門第人爭羨入
洛才名我不如樹裏河流分汴泗馬頭嶽色接青徐燕臺
酒伴今憔悴好向天涯問索居

再別企晉

分手旗亭夕照殘煙帆從此向長安十年琴酒論交切千里
關河話別難菴里花開梅信早雪中人去鴈聲寒盤嶠山色
靈巖月何日同君倚杖看

贈別肅徵

頻年樽酒共流鶯鷓聲華世早傳張協詩才留錦段温岐
詞格妙金荃花時寫韻紅絲硯下分題碧玉箋悵悵舞裙

歌扇裏不堪風雨對離筵

風笛長亭惜解攜舊游回首更含悽尋芳每過真娘墓載酒
同登白傅堤花落青燈追往事雨昏紅壁記前題銷魂此去
燕臺路殘月荒山聽曙雞

廣陵留別汪讎懷

吳梅里經兩貢生及江賓谷

唱罷驪歌不忍聽別君西上弄珠亭烟中楚水波將綠雪後
康山樹半青遠道風塵勞悵望異鄉朋舊感飄零歸鴻好寄
相思字莫負蘅蘭漸滿汀

高郵舟次

白髮親闈隔青鐙客夢孤音塵千里別書札一行無衰草秦
郵驛疎楊斃社湖吳雲回望遠寂寞向征途

界首驛

城西疎柳拂輕槎一幅雲帆逐暮鴉欲訪雷塘荒草合何從
更弔玉鈎斜
煙雲無際合孟湖水驛人家儼畫圖最愛酒醒欹枕處漁榔
隱隱出菰蒲

途中口號示黃芳亭陸聽三 芳槐 兩孝廉

小小嬉游每並肩公車同坐話纏綿僕夫稍進茅柴酒又倚
征蓬跂脚眠

柳邊微颺鬢絲風雨歇長途淨軟紅手把殘書拋未得半醒

半睡誦南豐

見震川集序

茅店郵亭道路賒車輪臨渡互喧譁閑中忽憶查山閣看過
梅花又杏花

渡河後作

清淮東下衆流趨高堰長堤一棹孤聞說敵黃功久著雲梯

關下省薪芻

一葉輕舟趁曉風桃花汎近水融融傳聞七省 神倉米已

挂雲帆入會通

雨夜寄蔣升枚

春陰漠漠雨絲絲八寶田西日暮時南浦綠楊誰贈別東風
紅豆最相思花前石鼎曾聯句燈下香囊憶鬪碁回首蘇齋
天末遠芳馨好爲寄江蘼

宿遷

寒月當空靜巖風入夜哀天低彭祖國雲暗漢王臺山勢爭
東向河流繞北迴人煙寥落處誰與闢蒿萊

嶧縣

日晚邗城道蒼涼意不勝高風溪樹折積雨岸沙崩破屋編
衰草荒田刈敗芳窮簷生計薄對此旅愁增

嶧山

西風動新霽遠近開寒氛驅車過北郭列嶂參差分獨蜀屬
為嶧釋詁夙所聞詩書連類舉箋註滋紛紜青徐本聯巨地
軸通網緼黃鑪與石屋皆嶧縣山一氣浮烟雲村墟盡衍沃樹藝
勤耕耘愛此鄒魯境孤桐發清芬我行數百里仰止心所殷
何時營別業抱犢來卜鄰志稱昔有王老抱犢隱此

道中望泰山

自我入魯境翠色瞻龜蒙羣山東來不可數桐阜疊出森青
葱今晨新雨忽開霽雲霞斑駁浮晴空東嶽巨鎮亘百里氣
象特兀連穹窿春來盛德本在木條風况復蘇蒙茸靈威仰

居五帝首出震庶物歸昭融皇初七十有一代金泥玉檢層

鸞輅親

雲封三茅五春今不乏允宜銘德垂豐功往年

莅止云亭未禪殊謙沖我今望嶽祇三舍計借策蹇愁倥偬

崢嶸但覺日觀近誅蕩何自天門通我師夙昔珥采筆明堂

太室尋遺蹤星輝霞煥數百字紙上光怪搖長虹文子先生有泰山明

堂歌極儼麗眼前有景愧疲恭局縮竟似號寒蟲杏花 上苑將

舒紅行當進試 明光宮天達雲路或可到他時扈 蹕隨

飛龍東望蓬瀛笑海若西指汶泗懷河中狂游高唱應未晚

東平

回首瀨氣蟠心胷
風色滿平蕪蒼茫獨問途沙崩山路窄日落戍樓孤地迴人
難見春寒草未蘇蘆泉行在望紫翠遠橫鋤

黯淡明星落蒼茫曉霧橫風旗懸古戍霜角振巖城灌木無
禽語荒榛少客行誰知殘夢裏煙水憶柴荆

次德州

厭次遺墟在荒城長薜蘿日斜官市散風急客帆多地勢連
三輔潮聲接九河歷城鏖戰地流恨更如何

蘇祿國王墓

寥落殘碑在當年王會同獻珠因物產釀蔗憶夷風滄海歸
魂遠長河古墓空温明祕器盡枯柏夕陽紅

獻縣

蕭颯東光驛風塵跋馬過地形蟠鉅鹿水勢接滹沱五壘遺
墟盡三關夕照多荒原誰校獵萬騎散明駝

秦少宗伯樹灑先生 憲田 招修五禮通考移寓味經

窩

容臺重望冠諸卿喜慰門牆負笈情 座主芥子先生下榻已

同陳仲舉譚經真見鄭康成事包列史規模備書彙羣儒議

論精東海遺編堪久大何辭昕夕奉橋衡

題家舍人受銘 又曾 龍湫晏坐圖

我昔圖五嶽好入名山游身騎兩黃鶴汗漫凌滄洲靈芝碧
霄以所慕便欲杖策尋丹邱風塵十載空憔悴悠悠此意何
由遂夢寐長經天柱峯煙雲每憶靈雲寺舍人瀟灑非常才
年年采藥窮崔巍赤城華頂遍游歷更上雁宕恣徘徊初過
白雨澤再渡水簾谷金光瑤草望中明碧嶂丹梯看不足峯
迴忽到太龍湫萬仞晴空灑寒瀑銀河一道垂長虹蒼崖白

畫生雷風石上斜飛雨颯杳林間直下烟空濛盤旋噴薄不
可卽疑有雲氣隨游龍忘歸亭上遙相覩濺玉跳珠互吞吐
天台石梁那足奇羅浮青峽知難數拂衣長嘯開心顏擬修
淨業辭塵寰只愁勝地難久駐飛流回首徒潺湲今春相遇
長安陌促膝明燈話疇昔示我當時晏坐圖依稀遠接神靈
宅惆悵仙源深復深何當濯足一登臨好攜蓮社支公侶重
和麻源謝客吟

得曹來殷書

碧雲日暮感佳期悵望瑤華慰別離愧我無才依玉樹憐君
有恨寄瓊枝豐臺夜雨花開後吳苑春深燕到時讀罷江湖
千里信燈前雙鬢欲成絲

白衣菴贈姚孝廉姬傳

龍時下
第先歸

生平蹤跡各風煙此夕相逢倍黯然名士從來多落拓酒人
誰與共流連楚江舊業虛歸計燕市悲歌感世緣聽遍禪牕
深夜雨剪燈欹枕話龍眠
頻年鈴馱向天涯詩卷叢殘閱歲華楚調吟成空自賞吳歌
醉後向誰誇秦嘉上計功名薄王粲辭家道路賒何日司空
山色裏論文相對共烟霞

送狄同年思和

詠麓

之官成都

京雒分符去關河叱馭行壯游真不忝惜別若爲情細雨征
塵滅疎楊驛路清武擔山色裏士女望前旌
雲樹三巴路烟波萬里橋錦官餘故蹟玉壘識前朝蜀紙書
難寄鄴筒酒易銷郵程凝望遠有夢逐征輶

贈諸贊善襄七

錦
移居

數椽老屋月城陰猶是成連去後心
屋爲江西李牧堂先生舊宅贊善其弟子也
冷澹齏鹽供午膳淒涼燈火伴宵吟
清貧未買還山櫂高雅誰投諛墓金
獨喜阿蒙垂盼睐一甌苦茗日招尋

送吳舍人猷芴寬歸新安

倦踏東華十丈塵孤舟遙下潞河濱
姓名不用登官簿已擬頭銜作散人

分明詞格似屯田香逕春風寫玉牋
不待小紅來按拍井華汲處早流傳

家在天都峯下住丹梯碧嶂望嶢峴
知君西渡新安水閉聽松風六月寒

送江于九之官長沙感事言情遂成六首不自知其詞之複沓也

作客京華路同爲汗漫游經過無趙李
理詠有應劉斷陽偕摹搦叢書並校讎
如何還遠別捧檄下湘州

會合知難卜分張奈遠何揚舲雲夢澤
弭節洞庭波舊俗懷三楚微詞續九歌
行吟堪吏隱未許怨蹉跎

玉筍雲山迴桃源驛路長新愁臨望楚
遺恨感沈湘暮雨楓林暗微風杜若香
廣陵花月地回首夢池塘謂賓谷

青草湖邊雨蒼梧嶺上雲幽蘭酬郢客
芳芷贈湘君征雁逢春盡哀猿入暮聞
章華深夜月應爲照離羣

天闕雲帆遠江清桂櫂斜煙波通七澤
驛路近三巴惜誦遺文在招魂往事賒
湘山祠下過好擷白蘋花

我亦飄零久風塵感世緣遠游思楚澤
歸夢向吳田高隱師宗炳傳經繼服虔
沅江芳草綠早爲寄蓀荃

將往濟南樹灑先生餞于味經窩并示吳司業尊翁
鼎戴上舍東原震吳舍人荀叔煥及指升鳳階曉徵
諸君

忽忽襜被上輕車折簡來招再攬袂失路長嘶嗟瘦馬過河
欲泣念枯魚登筵頻勸三升酒授館還叨一紙書吳運使凌雲士功來
聘先生話到賓朋皆雪涕燈殘賦別更踟躕之薦也

金閣學檜門德瑛招同錢編修坤一載蔣舍人心餘

士銓汪孝廉康古孟銷送往濟南用心餘韻留別二

首

短車深巷雨冥冥開閣相招屐齒停已分生涯同散樗敢將
蹤迹怨飄萍回思壯志今安在欲寫悲歌恐不經明發潞河
亭下泊煙波愁見柳條青

歷下煙巒事事佳謝公會此愜幽懷閣學曾任學政于此吟成白雪知

難和游徧青山願未乖蓮子波生攜釣艇藤花秋好繫芒屨
卻憐 禁苑微鐘夜載酒何時得共偕

同作

鉛山 蔣士銓 心餘

感遇傷離雜醉醒摩空猶是未梳翎已成鸞鳳仍飄泊自
古風雲有晦冥旅食深知貧是病才名虛指客為星誰華
山畔尋君路夢裏還應一再經

明湖秋柳至今佳打疊蜻蛉泛水涯歷下山川名士地江
南煙月旅人懷文章事大期千古主客詩成憶小齋聽到
登樓堪隕涕壯心容易付沈埋

送胡同年吟石溶歸太倉

京華憔悴倍情親愁向河梁問去津伏雨闌風催錄別殘鐘

夜火共傷神潮生潞水移征權秋到婁江下釣緝他日鵲山
湖畔路相思兩地望音塵

鳳階曉徵諸君相送宣武門外

白楮坊南雨乍晴路隅執手不勝情文章有命疑神鬼臺閣
無緣負友生漫道風塵總蹭蹬那知意氣尙崢嶸此行講席
攤書卷南面何殊擁百城

大羅同日咏霓裳何意飄零又異鄉通潞煙波浮遠權明湖
風月貯空囊蓴絲可采歸南國護草方榮侍北堂三泖漁莊
秋色裏再從野老問行藏

雍奴夜泊聞笛有懷

昔歲金陵驛曾聞短笛吟星河當永夜煙水渺遺音悵望楚
蘭吟魂銷楓樹林直沽橋下聽南望更沾襟

舟次德州寄南北諸同學

落葉下寒潭離情兩不堪孤蹤辭薊北遠夢到江南風急聞
津鼓燈明見佛龕舊游千里隔誰與共清譚

齊河道中

涼露滴衣袂荒原人曉行清暉散煙靄遠見秋山橫芳樹稍
欲落野禽時一鳴寒雲連古堞知己近譚城

紀事

時準噶爾四部衛拉
特來降遣兵往撫之

丹詔遙聞出上闌元戎拜命早登壇九邊傳檄軍威壯
萬里行師運道難絕塞定占擒頡利中朝已議靖烏桓請纓
枉負終軍志夜夜旄頭倚劍看

曉發

櫪馬喧殘夜林鳥散曉天斷雲時作雨遠水忽生煙舊俗徵

安惠遺書問廣川行行聞權語卻羨捕魚船

半年

半年人海類蓬條反喜東來慰索居偶論文章當七發徧探

經史愛三餘齋中有武英殿版十三經廿一史鴉窺石鉢晴爭浴鹿傍筠牀

暗齧書正似淞江茅屋底綠蕪黃葉滿階除

同門人楊星標懷棟吳廷韓玉綸游佛峪

斗柄在戌寒始威荒郊草木萋以腓騰騰曉日明晴暉相於

二子馳驟駢鏡天山色橫翠微鳥道詰屈人迹希路旁栝柏

莽十圍山鳥驚覺鳴且飛閉然野寺開雙扉青紅古佛長而

頽畫壁荒怪無是非山僧迎客病已瘳香積索寞纏蚺蟻瓦

盆巖糲聊充飢寺後奔瀑懸珠璣迎霜野卉猶芳菲古碣突

兀依林霏字畫齧缺餘如豨新碑笏立森崔巍厥辭怪偉無

刺譏韓文廷落葉颯沓飄秋衣游興頗極振策歸嗟哉勝地

空依稀安得卜築來耕織

觀趙松雪畫華秋色圖

水晶宮裏神仙子所過湖山來筆底已將佳勝盡吳興更向

明湖寫煙水明湖澄碧匯諸泉常與詞人泛酒船少陵北海

遨遊處蘋花蘋葉兼蒲蓮吾昨一篙依短嶼扣舷擊楫鷗羣

舉橋東遙望誰華山天際分明見眉嫵今觀此卷若重游遠

村近堞望中收采香雖無佚女在清響偶有漁童誦書堂涼

到正蕭瑟又展吳綉玩秋色陸機增宋玉愁風流更愛王

孫筆北苑南宗理不殊頓生歸思寄尊鱸好攜歷下亭中景

比似茗溪與瑁湖

懷人絕句

江陰翁徵君齋堂

廿載中吳老布衣，頻頻薦牘上。形闕君山如黛，江如練重。擬抽帆叩竹扉。

長洲許明府子遜

閩海珠江入望中，紀游詩句氣如虹。白頭亂髮垂垂老，酒後猶彎兩石弓。

秀水諸宮贊襄七

草廬太史文章伯，許我新詩似迪功。應是秋來歸思切，哨帆直過鶴洲東。

長洲周秀才欽萊

南臨湘楚北游燕，骨月凋零感暮年。意乞黃冠投老去，不須名氏占詩仙。

太倉沈光祿子大起元

皓首窮經歷，歲年心知崔。燎范長生，有真詮孤舟遙下婁江。去枕膝何人得共傳。

保昌胡侍御靜園定

幾年歸臥掩蓬廬，重捧彈章侍玉除。秃尾驢閒毳飯冷，退朝仍理舊鈔書。

元和惠徵君定宇

少日箋詩矜奧博，定宇有漁洋山人精華錄訓篋中年經術更紛綸。仲翔易學康成禮，只有先生是替人。

長洲彭侍郎芝庭啟豐

麟鳳文章冠古才，譚詩曾許共追陪。慚無水部新篇什，也荷名卿獎借來。

無錫吳學士尊彝

抱犢窮年 聖主知 鑿坡簪筆奉恩私 晴窗注得羲文
在小篋黃綾進 玉墀

長洲陳徵君和叔 黃中

門對葑溪流水碧 秋槐落葉覆閒庭 柯 維縝 王 惟儉 舊本叢

殘後新史何時付汗青 時和叔方重修宋史

山陽吳秀才山夫 玉璠

遍從故籍搜奇字 更向殘碑搨古文 杜 林許慎 張 揖 曹 憲 留

絕業肯教帝虎共紛紜 山夫精于小學著別雅金石存諸書

秀水家刑部受銘

詩句東華舊擅名 逃禪中酒足平生 龍湫瀑布青溪月 干載
何人識此情

奉賢吳秀才梅里

明湖秋柳半蕭條 落葉棲鴉伴寂寥 誰道有人攜畫榼 白蘋
花裏度紅橋 時梅里僑寓廣陵

吳縣沙布衣斗初

髯翁浪迹江湖上 櫺具高冠迥自奇 拓戟長歌成底用 何人
肯寄草堂貲

江都江秀才賓谷明府于九

二分明月是維揚 樂府思君最擅場 還憶天涯羈宦苦 冷猿
哀鴈過瀟湘

長洲宋方伯軼才 邦綬

忽奉 恩綸下九霄 棧雲千疊送征軺 錦城玉壘何由到 心
折清江萬里橋

秀水錢編修坤一

曾將新句寫雲藍送我征車向濟南殘暑小齋涼雨下黃藤
樽酒憶清談

德清徐上舍穀函

尚書故里茗溪畔綠樹青山面面勻恨不早營三畝宅移家
真作孟家鄰

長洲鄭上舍迂谷

柘湖格律有家傳尊人季野先生三體新詩字字妍更愛法
書臨大令明璫翠羽並嬋娟

吳江張秀才鴻勛

桃根渡口匆匆別聞向樅陽作客游欲寄生綃煩畫取白蘋
紅樹五湖秋鴻勛工畫有白蘋江驛遠紅樹客帆孤之句

長洲朱上舍子存

華萃翰墨久通神道北新詩亦絕塵令姪凌霄秀才近喜賢郎能繼
起揚州煙月屬斯人謂令子肅徵

上海張秀才策時

張君才氣如青兕跌宕詞場舊有名安得狂歌中酒夜共盤
硬語對寒檠

吳縣張布衣崑南

山人嬾似嵇中散賣藥修琴意邈然漁火楓橋官市晚蘆簾
紙閣枕書眠

如臯姜孝廉靜宰

京華梅雨感分襟南望臯原暮靄深落葉空階聞蟋蟀挑燈
愁展埃秋吟埃秋吟三卷靜宰所撰

上海凌上舍祖錫

苦吟詩似孟東野散體文如戴剡源羨爾秋風歸去早。荻花
楓葉到江村。

元和褚舍人摛升

苑樹宮雲退直餘。閉關學易事幽居。幾時歸向滄浪水。蘆雪
菰烟共校書。

全椒金孝廉鐘越 兆燕

曾上天都最高頂。松風瀑布萬峯寒。知君近更懷三隱。西澗
煙波倚櫂看。

吳縣朱上舍適庭

迢迢尺素到長安。知向煙波理釣竿。吟得碧雲詩句好。西風
荻浦夜漁寒。

上海曹舍人鴻書 錫寶

薇垣重望擅清詞。禁苑微鐘直宿時。紅蠟香殘封誥罷。玉
繩低轉萬年枝。

桐鄉朱上舍吉人

曾聽吳孃唱竹枝。山塘煙月不堪思。瀟瀟暮雨無人夜。忍誦
君家雜咏詩。吉人有吳中雜咏百首

全椒吳舍人荀叔

舍人家住青溪埭。花月新聞最愴懷。為憶茗茗舊時曲。一燈
涼雨夢秦淮。

大興朱庶常竹君 筠

禁城春晚接簪裾。兄弟同時典石渠。謂令弟石君侍講珪一自西勾橋
上別。煙波何處寄雙魚。

嘉善謝編修崑城埔

聽鐘山舍近禪寺醉竹移花無世情禁苑秋閒下直早半

簾斜日捶琴聲令兄東君同年坦工琴

儀徵汪秀才韓懷

一卷新詩號對琴瀟湘雲水有清音世間箏笛紛紛在誰識

昭文苦用心

長洲朱布衣孔林楷

破屋數間人迹絕瘦妻稚子苦飢寒遺經獨抱堪千古那羨時人作達官

鉛山蔣舍人心餘

雨後鳴蟬照碧窗移鐙話舊意難降聞君近乞金門假六幅煙帆沂大江

太倉家秀才存素

因玉縑素琳琅重接迹家風只數君曾憶名園來讀畫雨窗一燈寫煙雲

桐城姚孝廉姬傳

蕭寺鐘殘夜漏遲香銷酒冷共論詩薊門皖水俱千里腸斷紅亭送別時

長洲吳教諭企晉

詩人小築靈巖下短李迂辛共往還最愛聽松樓上坐一池

秋水數稜山

嘉定錢庶常曉徵

三年同醉錦帆春京雒相逢意倍親寂寞今宵對吟卷在旁知狀并無人

賦來神無上海趙秀才升之

茶經藥錄書千牙竹塢梅坪地幾膝擬放吳淞江上棹夜寒
來對草堂燈

江寧嚴秀才東有

舊院銷沈怨綺羅西崑才調近如何石頭城下絲絲柳不及
秋來別緒多

無錫薛庶常鳳叶 田玉

石枰精舍歇秋雨白蛤臨風愛晚涼更有河陽好詞筆
謂潘瑣溪

嘉定曹秀才來殷

少小同游近十年曹王詩卷共流傳不知今夕旗亭月誰炙
笙簧上笛鈿

家鳳嗜

吾家坡老才雄絕落紙新詩萬口傳惆悵生平三度別中宵
風雨憶同眠

靜菴上人

天平山下名藍好曾與宗雷作勝游絕憶已公茆屋下一宵
寒雨長溪流

答企晉見懷之作

蹇劣難空冀北羣飛龍羽翼又中分琴書獨對明湖月耕釣
終懷笠澤雲遠道相思勞舊雨薄寒早中愛朝暉升沈分定
吾何歎端擬歸來作五君
吳中七子時鳳嗜
曉徵已官京師

秋暮游漆山

振策緣危逕循谿到古巖飛泉當石碎老樹入崖銜細路盤

春風堂集卷五
梨峪層雲覆玉函。枯林寒日薄蕭瑟。竄麀麋人。道。浮翠諸峯合。酣紅萬樹交。空厓啼怪鳥。深洞伏神蛟。濺溜虛沙滑。寒苔古石凹。伽藍餘故蹟。誰更理衡茅。

柏山寺夜宿

爲愛秋峯好。扶筇過水南。濤聲千樹合。雲色萬山含。星影沈苔澗。霜華散石龕。夜深羣籟寂。清磬出煙嵐。

長清道中

鞭絲帽影夕陽紅。又過譚城古驛東。回首香孤山色遠。青螺數點暮雲中。

寒燈破屋夜迢迢。落葉無聲倍寂寥。最是夢魂忘不得。蒹葭秋水韻華橋。

東鄉夜宿

寒鴉數點戍樓東。十里黃塵捲朔風。卻愛前山如畫裏。夕陽一抹棗林紅。

長亭古道柳毵毵。鈴馱聲中晚息驂。茆屋霜濃燈焰短。一鈎寒月挂西南。

重過仙女廟

更聽神絃曲。靈祠水驛前。書傳青鳥使。碑記紫霞仙。玉珮澄寒月。銖衣散暮煙。疎林殘雪外。仿佛見雲駢。

過泰州

西溪雲起晚冥冥。有客扁舟此再經。日落雞豚歸古巷。江寒鳧鴈下荒汀。松蘿難問清風閣。竹柏空懷積翠亭。聞說梅花詩石在。麝煤無計搗遺銘。

海陵

曉發羅塘路輕帆近海陵村橋分薯蕷水市買菠薐鳥啄寒
林雪魚翻斷岸冰蟹黃新釀在取醉任曹騰

如臯官舍陳如虹先生焜連宵置酒絲竹駢闐感事
觸懷因成八絕

鈴閣琴牀迴絕倫重來蹤蹟尙風塵此生不合
金鑿直穩向歡場作酒人

衙齋近接小三吾猶記雲郎染畫圖水繪荒涼寒碧盡重排

絃管喚花奴水繪園中有小三吾寒碧堂今皆頽廢雲
郎小影余在京師從商邱陳氏處見之

鳳尾龍香按拍齊銀燈如月照銅蠹青衫欲濕還重掩怕染

愁蛾一樣低

寥落青山故相家箏師琴客總天涯平泉舊事知誰記賸與

徐郎說夢華諸伶舊屬青山莊張氏其中徐
郎蓮生者色藝兼工能談舊事

曾寫雙鬢畫壁詞旗亭傳唱月明時夢中彩筆知無用合譜

新聲付段師

雪泥鴻爪不勝情忽聽當筵白紵聲從此玉堂無夢到瀟瀟

暮雨憶吳城

羯鼓聲高咽管絃暗將清淚灑鈿蟬新詞莫怪多淒怨漂泊

江湖又一年

心情寥落似眠蠶聽罷吳歛酒半酣望裏紅欄三百六故園

歸去狎何歡

題文子先生西園圖

疎雨歇青山春陰澹幽幌中有清吟人溪亭自偃仰鳥下綠

蕪深風遞寒松響一挂煙江帆何因寄心賞不更逢玉戲

此卷入都以後畫佳什濟南此作猶有清思橋松化其証乎

狎字重佛

世句

飛渡風懸寒林響一其數武地可因寄心賞

煎河海青山春劍巖幽巖中百壽令人羨亭自勤吟鳥不絲

馮文于夫坐西園圖

龍去吟可進

心謝寒客以知蠶繅吳煇西半柳望裏珠斷三百六始園

山賦又一半

漢苑羣高剛管錄部錄武氣甄驗戰滲隨莫到多寒感雲山

極而謝吳姓

雲武無入不親計珍離當錄自錄經錄出王堂無夢怪驚驚

海華村對相

會真雙鬢畫壘晴蕙亭對日則劫夢中逐筆吟無用合端

春風堂集卷六

青浦 王昶 德甫

述庵集 丁丑 戊寅

大風自揚州渡江望圖山殘雪

江船十丈如游龍峭帆獵獵乘長風金焦北固忽過眼回首
已在圖山東圖山山勢迭變幻初看絕壁森青葱舟迴壁轉
萬象出眾嶺突兀開窾窿山南稍下勢平行礪道盤屈含崆
窰岸東一峯最橫出下與怒浪相撞春峩岷至此又一束蛟
螭偃蹇低寒空如為江海別疆紀不使直下趨洪濛我行正
在殘雪後遙天變現瓊瑤宮珠塵銀礫迭虧蔽丹梯碧磴紛
瓏璵東霞古寺若可即金繩珠網明杉松惜不更逢玉戲日
縱覽六出翻層穹寶花世界遞明滅一洗塵垢開心胸山家

早寒尚閉戶時聽社鼓聲逢逢茅柴乍壓春酒熟笑語共喜
田園豐人生祇宜課耕稼祝雞牧豕稱溪翁何爲故鄉負芳
序凌厲絕險誇豪雄扣舷清唱振煙莽金鳥已上雲林紅

澄江人日有懷吳中故人

屈指東歸未有期偶來江步曳筇枝寒濤遠接焦先洞荒草
春回楚相祠林港風生帆影盡香山雪霽鴈行遲崦西想見
梅花發對酒誰裁寄遠詩

過圓覺菴

珠閣澄暉晚幽禽下石壇煙巒穿竹見晴雪隔池寒芳墅層
層上疎鐘杳杳殘惠崇吾最許悵望碧雲端

墨隱上人
畫惜未得見

泊焦山偕巖東有游定慧寺

曉夢聞疎鐘隨風度煙艇春江上早潮泊此松寥境三載別

名藍重遊款澄景石嶼零微霜竹禽散清影幸逢華構新益
着諸天靜開與餐霞人微步寫淒耿蒼蒼海雲巖層波渺修
迴名蹟遠未涇高蹤思彌永庶果結夏期澄懷共遙領

蕭梁公主祠

明璫翠羽映瑤墀傳是南朝帝女祠花外名香縈楚珮燈前
暮雨濕江離不同蕭史登真去應似瓊華入道時遙望東陵
聖母在迴風彷彿颺靈旗

謝太傅祠

擁鼻清吟已渺然尙餘雙檜鎖寒煙衣冠想見清譚日史冊
長畱出鎮年古埭煙波思召伯空山草木走苻堅獨憐幼度
虛從祀不共芳蘋薦綺筵

蘇齋風雨後有懷

蕭蕭風竹夜窻幽。細雨輕寒似早秋。故里久蕪芳草逕歸心。
遙憶木蘭舟。斷鴻聲急回鄉夢。殘麝香消起別愁。欲折瓊枝
頻悵望。文鱗何日下瓜洲。空山草木未蒼翠。望斷歸舟日
東頭。
雨夜
積晨翳春陰。零雨遂蕭散。微聞叢竹喧。稍覺餘花泣。迴颺颺
殘笛。彷彿江南怨。盈盈眷分攜。惻惻念鄉縣。來茲歲方徂。逮
爾春將晏。明辭廣陵鐘。遐睇吳門練。行藏尚未卜。彌廬盈襟
歎。佇立至清宵。疎燈耿幽幔。

曉泊山塘

小船如幽居。夢回聽柔櫓。湖天尚春陰。層雲被洲渚。迴風掃
垂楊。殘滴下如雨。溪橋寂無人。眷此孤禽語。曠望極西山。煙
巒渺何許。

上乘菴雨後

蘭若本蕭閒。中宵更岑寂。夢回聞簷聲。清響墜苔石。始知西
堂前。微雨散蘿薜。黯黯餘寒生。沈沈憂思積。入道願已殷。勞
生事猶迫。伏枕眷長更。攬衣感羈疾。投蹟如可希。扁舟就魚

麥

題朱適庭桐江濯足圖

夙咏滄浪吟。結契在煙水。一與塵網嬰。行役未云已。之子敦
雅懷。蕭條侶園綺。渺渺桐君江。幽棲信爲美。寂歷見游魚。空
明漾芳芷。如聞青瑤流。曲折寒溪裏。雨時釣絲垂。月下漁舟
艤。巖陵去已遙。依然見芳軌。嗟余賦遠行。星霜歎勞止。已欣
印渚游。聊悟濠梁旨。相期躡屐來。扁舟共徙倚。

得家書

迢迢芳鯉遡江流。忽見香箋詠玉鉤。自愧秦嘉猶上計，獨憐蘇蕙更離愁。歸心暮雨長亭路。客夢煙蕪故國樓。爲報藁砧相見近，不須憔悴憶刀頭。

題李晴洲經天際歸舟圖次韻

故里經時別天涯。獨客歸旅情雲外驂。鄉夢竹間扉遠嶂，青千疊。明流碧四圍。煙消漁舍遠。風定鴈行稀。下溪田無恙。陽華願未違。琴書堪樂志。耕釣足忘機。隱士松花飯。僊人桺葉衣。披圖增逸興。惆悵薄游非。

贈松亭上人兼題其畫卷

勞生疲塵鞅。幽賞依禪居。珍禽語叢木。欣此新霽初。積雨潤苔蘚。鮮飈振絲筵。上人習禪定。名與支公如。孤吟偶相示。冰雪同清虛。

畫圖寫幽寂。素月澄寒薄。江梅稍舒萼。叢筠亦蕭森。長松互颯沓。庶以娛冲襟。空色本無別。淨染寧異心。知君斷滯見。聊復棲煙林。

弱齡悟幻華。頗學清淨退。夙知無生緣。起滅偶如寄。榮祿信非真。詞章亦爲累。斷集雖初因。由茲獲本智。願從聞思修。遠企妙明地。瓶拂如可依。相於掃文字。

移寓秦淮

一桁珠簾踈地垂。隔窻絃管最相宜。衣香並過長千里。燈火真同小庾師。風定始知蓮漏永。雲開正見月華時。昇平樂事南都少。明日簪毫止鳳池。

時將召試

蘇東坡別趙上舍易叔

三年別鶴不勝情。又賦分襟百感生。花落湖橋同載酒。春陰

官閣坐聞箏煙波歸權吳淞遠梧竹殘宵楚雨清他日京華
相見處對牀敲枕話蕪城時易叔將入都

同陶秀才蘅川湘李晴洲嚴東有過袁明府子才枚

城南城北鳴鳩飛經旬苦雨如塵微僧齋寥蕭掩關卧草痕
被逕苔花肥隨園咫尺不得往預恐積水淹春衣朝來層陰
忽開霽快躡雙屐趨荆扉重樓突兀俯煙莽小檻宛轉沿蘆
碕疎籬幾曲芳槿遶短約三板長松圍小倉山勢更秀絕青
蘿翠石相因依扶筇直上豁遠視蒼茫萬象供指揮滄江如
帶繞天際石頭鍾阜爭崔巍車馬斑斑溢城闕人煙漠漠紛
郊圻與如曠如各有態園林如此人閒稀主人夙是香案吏
雅材百五遙相睇高名台沓動寥廓長句噴薄迴珠璣三年

卧閣理花縣便買邱壑辭塵鞿鳳匣螭敦署祕笈牙籤錦暉
充書幃江湖逸客共譚藝時理研墨調冰徽鼗園詩老謂程魚門
昔傳述令我悵望生調饑茲晨攀躋慰夙抱况有勝侶同元
韋篠檐側帽足幽賞藤牀跂脚堪忘機櫻桃躑躅雖稍謝漸
見婪尾增芳菲安得山廊最深處日夕吟眺無乖違獨愁茶
讌尚未已金烏隱隱澄餘輝綠陰回首不忍別春雲杳靄生
寒霏

盧運使雅雨見會招同張補山庚陳楞山撰朱稼翁

稻孫金壽門農張漁川四科王載揚藻沈學子大成

陳授衣章董曲江元度及惠定宇江賓谷諸君汎舟

紅橋集江氏林亭觀荷分得外字三十八韻

客居如晴蝸炎天苦塵壒溼地走螭蠖荒階羃茅茂桃笙火

欲然羈蹤寡聊賴誰爲河朔飲喜君盛佳會上客延陳遵名
流借郭泰詞人盡應徐書史並韓蔡招邀集邱園放曠蔭杉
檜長廊互透迤短笏宛鉤帶絲筵激構椽楸梧翳蒼蒼碧池
漾琉璃紅葉破醜鵲指點空明中游魴隱萃蘋澹蕩謝簪裾
逍遙散巾襜相於汎重湖松舟齊擊汰粼粼燕尾流青瑤瀉
澄汰珍禽共頡頏寒蜩競鳴噦與酣拓水窻遙指崇崗外紺
塢蠹嶙峋層巒竦嶒峴延緣方未窮濃雲漸昏靄疾風起刁
騷急雨走砢磳密響滿林芳清波漾渠澮須臾雷車停殘霞
儼圖繪圓月涌銀盤明星照文旆繁暑忽驅除依稀去鉗鈇
杜牧詩熱去解鉗鈇設席陳羊腔行廚出鱸膾芳菹擣香蔬佳果薦甘
柰羅酒玉雪清分曹列旌旂小部更催歌檀槽振林籟四座
恣沈懽芳游洵云最猶憶上巳初桃華發幽藹被禊快浮楮

妍詞寫璣貝雅集繼前修風徽被秀艾良辰復追陪遭逢亦
已太惜無健筆扛陳詩陋曹鄴他時長安街羸驂走輶軼南
風吹驚沙軟紅厭眎昧同念廣陵鐘何由接飛蓋

題汪范湖讀書秋樹根圖

侍郎舊圃委榛莽潛山圓谷空蒼茫籤牌樹籬亦寂寞但有
老樹參天長羨君風流紹曩哲叢筠仄徑開書莊浮嵐積翠
互虧蔽秋林葉葉酣新霜君於此時掩關坐有若乾蠹耽芸
緗自維生平頗好古上虞易義書歐陽惜哉風塵百顛顛未
得蠶舍親丹黃今觀此圖信幽絕况有三逕來求羊西曹筆
力如挽強受銘比部太史詩句森開張錢坤一編修鴟尾宅邊共道古
使我望遠神飛揚何當蘋邊繫五瀉結鞋來訪金陀坊

題沈學子松陰伴鶴圖

孤松百尺森寒梢秋風激響如絃匏下有老鶴俯且啄白翎
 丹頂真矛散幽人散髮當此坐似欲避世辭喧嗽便倩好手
 作圖畫紙上倏忽雲煙交三竿二竿竹抽笋十點五點花含
 苞社公新雨一朝過鴨頭春漲生林坳海沙慘逕石子細瓏
 玲翠石紛礫齧鄉園如此良可憇忍令歲月從空拋憶昔驅
 車過燕趙黃塵堀堞風颯颯飛蟲一晌竟何樂非獨形瘵兼
 心勦何如細林山下路枳籬竹蕢編團茆嘉客逍遙協詩什
 幽人貞吉占靈爻菰蘆況有我輩在相於載酒門常敲三泖
 漁莊近咫尺蔚藍萬頃同湖藻絲簾客箸罷垂釣琴原藥錄
 胡傳抄夜聞寒濤響北垞朝聽清唳來西郊柴桑栗里夙所
 慕那惜下士相訾警捲圖喜君竟歸去蕙帳免使山靈嘲
 戴明府遂堂亭以詩見贈寄答

蓬左稱耆舊如君復幾人
士風徵魯衛儒行比荀陳寥落雲

霞氣飄零海岱身扁舟欣把袂款款話前塵

鴈塞風沙遠龍荒歲序遷
生涯仍北地涕淚憶南天

集中有寄閩中

諸妹雪鬢他鄉改萍蹤客路懸武林煙水窟回首一悽然

才擅風騷體名傳翰墨場

君與李鐵君陳石門號

遼東三老有集行世經年空想

望遠道各蒼茫暮雨江濤急濃陰驛路長
 白沙旅舍近計日

喜升堂

重宿隨園

客路逢爰夏芳園喜再過露涼千頃竹香汎一池荷嘉會開
 樽數清言入夜多坐來山閣靜螢影下煙蘿

澄碧洞爲子才賦

劇地成幽洞疏林引碧湍松龕雲欲潤竹榻晝常寒
 小閣三

層接閑窗十笏寬可容消夏侶偃臥展琅玕

程徵君綿莊延祥以易通見示

衡門曲折掩秋桑大帶深衣氣自昌古本久聞宗費直象占
寧復問京房道原十翼流傳正夢食三爻意義長只惜蒲輪
徵未到何由高議動巖廊

晚泊江口

生平蹤蹟如飄絮春風五問滄江渡雪霽曾看鷓鴣翻潮生
屢犯蛟螭怒今來雨歇磨青銅海山滅沒殘霞紅棹歌未斷
漁歌續時有疎燈出茅屋

寄陶篁村元藻

水漲紅橋瀉綠紋藕花香裏喜逢君新聲共聽歌三疊清詠
先傳月二分篁村有若論揚州二分月紅橋應占一分多句為時所稱楚驛微波愁遠道

吳山涼雨惜離羣江湖別夢何由慰寫就詩篇好寄聞

聞文子先生巡視河堤卻寄

長河雨黑翻崩濤陰雲黯澹騰魚蛟風雷夜半走平地數十
百戶如蓬飄九重側席屢宵旰我公奉命馳星輅經營

工築集衆力相度形勢借羣寮荆山橋南遍歷覽急與黼
座分憂勞用淮敵黃鶴歸海一語竟破千言牢自來河渠少

上策虹堤終古排雲霄長波萬里一綫束下瞰田舍同堂坳
伏秋雨汎蟻穴潰得不性命爭秋毫雲梯關下益漫散朝潮

夕沙淤泥高歸墟赴壑稍填咽竊恐雪浪橫厓岫海昌昔欲
通濟水海昌在國昔有開大清河之議南北入海分支條濁流兩路不並駛

終致壅塞仍諛譎濬深取直兩利舉可免婦孺常啾號小儒
籌時昧通變臨風寄遠陳芻蕘江湖無由接高議悵望台斗

臨寒宵

陳徵君楞山歸老武林卻寄

夕社荒涼舊雨稀，抽帆歸隱舊柴扉。
葦塘水淺垂漁釣，竹閣雲寒放鶴飛。
聲曳杯湖應不改，天隨下洞未全違。
溪南詩老多清興，好並扶筇上翠微。

謂丁敬身吳西林諸君

暮過梁溪作

浦外傳漁唱，煙中見鷺羣。
江帆臨樹卸，村笛背風聞。
暮靄忽成雨，遠山斜入雲。
篷窻頻剪燭，小酌愛微醺。

彭少司馬芝庭先生園亭

綠野裴公第，青山謝傅居。
園林齊下杜，田舍似西沮。
黃葉琴齋晚，青蘿藥院虛。
數椽湖石畔，竹影上瓊疏。

碁局依雕檻，書牀近綺寮。
微吟涼雨度，晏坐篆香銷。
叢桂娟娟落，芳蓮冉冉凋。
溪堂弦酌罷，岸幘更逍遙。

過石門

煙水村邊路，雲巒郭外山。
松樓宜晚眺，竹屋到秋閒。
斜日梧陰繞，微霜蘚色斑。
何由陪勝賞，來往共漁蠻。

酒旗和沈學子作

秋水車溪路，涼風薄暮天。
殘燈臨驛市，寒筵隔橋船。
桑柘蕭蕭葉，菰蒲漠漠煙。
披衣清露下，吟望意翛然。

湖樓旅夜用蘇文忠臘日遊孤山韻

秋葉落飄重，湖湖濬游艇。
漸已無夕陽，欲沒魚尾赤。
唯聽漁

父相招呼雅欲梅鶴為妻孥況對山水諧清娛小樓三面瞰
清鏡下見沙碕相縈紆隱囊塵尾如僧廬晏坐不復愁羈孤
夜深月出風浪涌寒露清滴鳴菰蒲明當夙戒趣與夫攀躋
林莽窮昏瞶紅衫青笠恣獸往好索畫史成新圖燭花吐燄
三更餘馳想絕景心遽遽惜哉良侶乏酒逋空藉詩筆供規

將遊淨慈再用前韻柬大恒上人 明中

十載夢懷西湖舊時遊蹟今有無詩場酒座零落盡但聽猿
鶴時嗚呼殘秋暇日辭妻孥擬訪勝侶行嬉娛頗聞大士人
詞海一見頓豁中煩紆永明睿渺真精廬粥魚茶板同給孤
三乘演法指柏子六時設饌陳伊蒲喬松離立古大夫山花
開落忘朝晡相期節屐更造訪白蓮重寫廬山圖涅槃六義

原無餘圓覺何必形神遽誓脫塵網如亡逋息心寶藏窮形

曉坐湖樓

清曉水煙昏雲中露山頂層樓適游眺愛此澄湖永微霜凋
杉楓寒波悴蘋苕沙嶼遠空濛遙遙辨漁艇

謁四賢祠

蘭薄生暮寒夕景在叢竹散步出荒蹊希風遡芳躅羣喆去
已遙清標映巖谷入門榭葉黃被砌苔痕綠空聞流寒泉無
復薦秋菊緬彼澄湖陰珠宮麗遐矚小築獨疎蕪誰為激時
俗慨息下亭臯蒼煙滿平麓

淨慈寺

紅葉滿長堤林疎見蘭若僧語石廊前鳥散香臺下夙昔慕

幽篁況迺逢蓮社竹籟遠淒清松風靜瀟灑絕景悵難留微
尚何由寫

湖樓夜起觀月

夢回忽覺明重檐起視殘月橫東南月光射湖湖影動寒淥
倒映湘紋簾沙戶人歸漁火歇一鏡澈碧無塵纖葦葭風微
沙鴈宿蒲葦霜重游魚潛羣山凹凸已不辨何從指點知精
藍唯看高峯最奇絕雲外矗立青瑤筵依稀身在銀世界差
欲舉手攀涼蟾生平愛月入三昧況有絕景湖山兼軒櫺面
面瞰煙水藥鑪經卷如香龕惜無溪朋共好事喚起小榜臨
澄潭扣舷自和小海唱長庚星動秋雲曇勝地已知世無兩
對影幸有人成三徘徊唵賞天欲曙曉鷓鴣嗆杉楠

湖中晚歸簡齊侍郎次風

召南

杭編修大宗

世駿

杳杳昏鐘隔浦清夕陽欲下斷霞明鳥歸疎柳禪燈上人散
迴塘釣艇橫雲樹蕭疎藏野寺煙波迢遞繞江城習池不共
山公賞獨對寒流待月生

萬峯山房示讓山上人

篆玉

黃葉翳秋苔野逕無行迹蕭蕭竹樹中扶筇訪禪伯名藍掩
荆扉梵鐘晝方寂遠嶺出檐端澄湖隱林隙壁閒畫滄洲煙
莽紛如積旣忻初地閑復愛名言適坐久衣袂寒松風灑泉
石惜無臥具攜逍遙此終夕

月夜

夢覺聞跳魚東巖月初上清露滿蘅皋華雲散林嶂屢聞梵
鐘寒稍見鑪煙颺清宵乏同歡煙波渺悽快

聞吳山夫之越中卻寄

已倦游燕志還成適越吟扁舟三楚客惜別兩年心微霰兼
霜下孤猿隔浦深山陽聞笛意日暮更沾衿

題東有樊川詩意圖

珠簾十里夜迢迢曾記尋春皂莢橋小杜重來芳緒減嬾依
明月聽吹簫

踈柳青旗罨畫樓玉驄芳草付前遊淮南花落春風盡吟對
香臺木葉秋

白門霜落夜嗚烏桃葉空堤長綠蕪江北江南俱寂寞小窻
和雨寫新圖

香雪初開竹外枝鄉心搖落鴈聲遲茶煙禡榻殘燈裏忍話
樊川被酒時

集璜川書屋觀伏波銅鼓鼓為企晉祖銓官廣西利養州時所得同企

晉吉人策時祖錫聯句一百二十韻

陽曦射高堂德寶氣肆騰躍古色侔尊彝吉流芒動簾幙熊

熊託雲歆策煜煜怪雷爚巖昏饕餮蹲企月黑蜿蜒走蒼疑

木髮髻德黝類火蒸蕪蓐輦同形模吉米黍協尺度彭亨豕

腹寬策倔強豹股博綠碎瓜皮皴企黃披楮葉敲回文結雕

尻德斷蹟豁齷齪字缺史頡銘吉奸遁飛廉魄蚪蚪周四腔

策蝦蟆歆三腳列象天山均企分位雷風薄腰如己甌圓德

面比辰鑑廓低陋絜馬鋤吉窄晒棲鳳鐸完質無瓜離策韜

光仍渾噩審器知金鎔企辨音異皮鞞擅袖發鏗鉤德援枹

恣磅礴小鳴星精搖吉大響雨點落獍颺蕩穹巖策急瀑赴

巨壑轟天走之而企殷地駭不若雲垂林熊嗥德石裂谷虎

愕同鏡獨鐘鏞吉殊笙篳管籥歌風想其鏜策肆雅徵或呿

稽典心縈紆音企辨物手捫摸刻沙顯晶瑩音德剔薛露璀璨流

傳東都時音吉采拾南夸略瘴海波滔音德淫音策蠻陬山嶺峯貪吏

失撫綏音音獷俗善剽掠伏莽踰往音德狃音德投林過猿猥荒菁蒙

幽遐音吉強弩逞矯躩猺獠蒼狐羣音策時鬢鬢熾妖雪赤伏方中

興音金爰精又增灼璽書集貌貅音德羽檄剪鯨鱷健婦空跳梁

吉老翁尚矍鑠下瀨陳雄師音策時伏波拜新爵誓衆發樓船音企

連屯趨浪泊毒霧看墮鳶音德浦盤渦訝浮蚘險披荆榛叢音吉勇

淬霜雪鏑營開關戟明音策陣動瑠玕戈拓塵飛揚旗麾音企血模

餽刀斫孽種揃維將音德虜夫竄詩索發弓震天綱音吉立柱表

地絡雕題來粵人音策時崩角受漢約昇曳呈轅門音企焜煌照鈴

閣蟠猊紫繡蒙音德甫翔鷺流蘇紵賓從爭摩抄音吉徒御互趨踰

上將思驪駟音策時良工付燧爍駿尾宛蕭蕭音企驕蹄像遑躒金

門獻種種音德甫玉墀羅各各功應冠寇岑音吉威已殫越駱胡然

謠詠興音策時幾致湯沐削訟寃誰慨慷音企藁葬終寂寞奇勛貽

至今音德甫賸物撫猶昨體非臆氏攻音古制想獠奴作音老誇多

藏音策時俚人笑羣搏蘆笙迭參差音企椰酒共斟酌雉翎豎了义

甫音德羸鼓挂瓔珞六幅拖花裙音吉一緬騰草屨蹋臂凌長溪音策時

招手度危竿破屋蔽榕陰音企短牆絡藤格綿李實蒨藜音德甫匾

桃花奶媪賽社巫叮嚀音吉畱歡客酬酢簪裏堆生鹽音策時瓦盆

貯乾酪羅列兼禽猩音企熏炙到鼠鼯雜飲態壺甕音德甫調言笑

盟喙脫釵扣淵淵音吉人蹋歌行躑躅傾耳聆敲鏗音策時攘腕任揮

綽節促交錚鏦音企聲圓屏礪磬聽隱隱麟麟音德甫視索索矍矍

僻陋良足嗤音吉人駢闐亦云樂譚論考始終音策時收藏見矩矱表

座映尊罍音企宿懸繼馨鑄置傍青玉案音德甫襲用紫罽橐舊玩

供掀掀人吉新詩遞咀嚼拂拭耽近好時策君茫與遠託今

皇恢八紘晉企覃化遍六漠入侍紛梯航時德獻寶聚河維陰羽

陳騏驎人吉火珠上鳩鵲邊城銷朝烽時策巖城斷宵櫜方看重

譯朝晉企詎意小醜惡梟踞前王庭時德蟻聚左賢幕甜談蝮蛇

張人吉劉刺蠶蠶聖武赫斯怒時策帝命求其瘼側

席思范韓晉企築壇遣衛霍攻同吉日時德捷伐凶門鑿神符

甲乙占人吉士鮮癸庚諾虎帳夜椎牛時策龍沙晨表貉殺氣纏

蚩尤晉企邪氛掃格澤三千驅水犀時德百萬潰風鶴喪膽諸部

降人吉係頸元兇縛惴惴就斧砮時策欣欣免鼎鑊鏡曲傳數章

晉企戎衣欣一著洗兵魚海陰時德振旅狼居野罷六道輓輪人吉

安四郊耕穫酬庸珪瓚璋時策薦廟曛曛敷文舞羽干晉企視

學奏簫勺靈鼉四簾懸時德華鯨九乳操瘖彼百里驚照茲萬

物郭冠帶罔弗同責琛詎煩却我儕樂淳熙人吉是器足揚摧

翠葆靡銅腥時策雲花絕塵填神夔吼不聞晉企隱蛤彩尚敷年

深建武存時德代古真元乍紐斷非淵淪痕斑想泥散驟國遜

輪因錫祖象州謝礫硤破碾壓寶輪人吉礪碾撼綺構授受閱弓

裘時策顯晦等龍螭璫包武溪濱錫祖網罩璜川輪高軒辱寵靈

健筆起衰弱擊鉢喧雷鳴晉企續貂愧螢爝余後至狂揮颯颯

臺時把鷓鴣杓子石磨白蕉錫祖哥密插紅萼擁鑪芋火煨人吉

汲井茶槍淪禿巾頭鬅髻時策解帶步踉蹌拮据窮冥搜摹畫

資衆謔孳牋侍史勞錫祖秉燭奚童御壁空風颯時德簷凍冰

洛澤潛鱗螫蛟蚪人吉厲翮振雕鸞角殘烏咿啞時策漏盡鷄膈

膊矯首視長庚晉企熒熒燭虛霽時德

冬夜再集晉企小查山閣同吉人策時來殷聯句限

月字

雅尚聯心朋人吉輕燒煙際發蘭池遊透也德蓮峰望崑崙古

洞呀然闔時危崖倏而突宿莽走驚鷹枯林颺俊鷗凝霜

杉屋寒晉濺溜苔岑滑一徑沿礁磽雙扉豁林樾眷茲澹

宕人德渺爾煙霞窟棲元敦古歡策養拙謝天伐拓地展百

弓來結廬容十笏綠淨激溪毛晉蒼寒綴石髮長林鶴柴遮

人吉細水魚梁汨款冬花已闌德破臘香漸醇依人憐凍禽策

迎客狎吠獾蹊幽窺櫺櫓來閣迴俯碑砥巡簷遠眺舒金布

席豪情勃雲雷陳漢尊人吉趨趨辨周碣香焚鵲尾溫德箔動

蝦鬚揭鎧紅綻燭華策羨碧盛肴核野供屏羶腥來山庖具

筍蕨射覆角兩曹金銜杯甘百罰衝愁出奇兵吉卻敵誇勁

卒半醺臉微潮德痛飲頭盡沒狂思中聖賢策渴欲吞溟渤

底須舞傴僂來漸覺醉兀兀茗煙淪旗槍金芋火煨楮拙雄

談侈矜奇人吉清景坐超忽銀箭咽虬更德冰壺湛蟻月霧沒

山穢餽策風搖樹槎枒澹澹雲裂膚來稜稜水生骨炙視吟

方酣金攬環興未竭奇思鬱輪困硬語辨倉猝開軒快披襟

人吉接座欣結襪交應慕荀陳情詎分吳越伊余困塵囂德多

君避朝謁屏蹟依邱樊帶經事耕垆採芝商皓歌策樹蕙楚

騷因花鳥供友于史書羨詒厥欣此裊展同來勿使敦槃歇

逸翮借鷺鷗遊蹤比蛩歷盟心保歲寒金堅貞庶無闕吉

無隱菴消寒聯句次皮陸北禪院避暑韻

把袂衝巖巖人吉閒尋開士宅聽鐘駐籃輿金拾磴捨藤策龍

攫輪困松德虎踞偏強石崖裂皴霜痕策巖封漬雨蹟徑靜

稀樵尻微澗枯斷漁伯邱中誰鳴琴人吉方外或卓錫佛座倚

雲根龕齋廚引泉脈炷香禮蓮龕德懸燈照葦席清言容踞

牀策高臥時踢壁結跏宗雷倚肅豎拂支許敵安禪訶小乘

人吉妙諦證大易偈從黃檗參龕旨向青原摘咯然身世忘德

悠哉襟韻適觀空度六時策斷愛戒三昔夜悄月盈規肅氣

疑雲過尺樸朔匿氍毹毛吉畢逋翻凍翼危柯綴斑紅龕荒坂

鋪禿白冰苔滑侵衣德風竹低壓幘逍遙企鴻情策局促陋

螺識幸窺蒼荀林肅快聚菰蘆客梵筴任冥搜吉經幢恣元

索寶笈超津迷龕珠林羅海陸言依竺國緣德誰羨桐君籍

白水貯一瓢策穿霞藉雙屐夙願償未能肅勝地棄堪借溷

蹟尚塵囂吉息心終野寂澹味宜敲茶龕幽芳愛翦柏回瞻

薄靄蒼德悵望層嵐碧何當澄淨因策庶可療奇癖晴雪遍

南枝肅討春復來覓吉八

寒夜集蘋花水閣觀玉壺冰琴

朔風振枯林初月澹幽幌舊侶復此偕開軒得蕭爽芳酌欣
同持素琴展孤賞頗愜世外心彌塵邱中想惆悵夜燈寒無
人發清響坐久聞煙鴻微霜下宿莽

香櫞聯句

入座聞幽芬枸櫞供山麻德徵形得團圞賦色呈艸蕘來光

疑崖蜜塗氣類沈檀灑德體搓玉帕圓紋錯金毬畫來手拈

留醅醑鼻觸敵躑躅德靜愛桑皮堅寒防螭蒂壞來綴葉餘

葳蕤含瓢貯沆瀣德橙柑羞異容橘柚許同派來鉅如龍卵

懸嫩若鶯衣絳德差齊瓠瓢枵不數楓瘦怪來香清沁腑脾

液冷軟齟齬德顛顛堆硎嶒纍纍簇瓠盃來寧憂蝸痕涎已

免烏喙嘜珍從園客藏得自獠奴賣德小閣三椽低閒房十

笏隘垂垂折枝斜短短橫幅挂來敦摹雲雷文鼎列水火卦

殘碣剔枯苔法書搜倒德龕甫焦琴橫椅桐古硯啄磳硜三層

綈几陳六扇鏤屏界來碧磁中微凹紅架上旁殺淨洗安鹽

盆揩摩藉麻林德磊砢傍軸籤霏微縈裾裙夕熏和氤氳朝

旭射灼炫來仙芝海國移嘉種爰方屈瘴鄉霧陰露蠻嶺山

阨辟錫包祕篚筐箸裏入艤德辨甫植株攜鏹鉏分本用杈杷

擴清去神柁持護剛蔭壤澆泉注連筒壅土加一簣來栽培

老嫗諳撫視鄰翁誠樨榭梢鶴巢榻極蔽鹿柴森森撐檐牙

落落拂冠髻似檀栗榎櫨殊模枅枅德攀柯悅蕻蕻憩陰

辭翦拜熏除穴根蚺剔去啞葉蝶回欄周瓏玲疊石轟礮斫

風和開花附雨凍挂木介來落實斗建坤含苞月在夾漈綠

逢夏羸焜黃值秋噫頡頏翔鷓鴣睨集鷓鴣德璀璨皓露

凝杲杲朱曦曬熟看一樹垂收遇干林敗勻裝質長完醉攫

心亦快來落剪倩小奚擎拳須走价德馥郁醒宿醒辛酸愈

虛咳來分友提筠籃奉僧伴梵唄德温磨懸帳杠的歷絡衣

被來雅翫忘寂寥清娛慰罷憊德幽可伴茶鐺賞宜開酒醜

來品題爭歛歛投贈破价慘辨名郭璞疎寫狀稽含曠德虛

愆積雪明曲砌層冰解體物揮纖毫聊當翦燈話來

出關

石牖緣江壯虹梁逼漢懸風霆迴靜夜冰雪瀉長川牽輓于

尋接喧呼萬口傳浩歌驚出險回首意茫然

定慧寺示鐵機上人

清絕松寥境重游近暮冬江空斜見鴈潮落遠聞鐘霽景山

廊竹寒雲石欄松更逢蓮社侶款款話南宗

送劉侍講映榆

星偉

歸毘陵

晴雪依叢薄。扁舟下楚波。江寒漁唱少。天遠鴈聲多。候火明瓜步。林煙近曲阿。梅花官閣好。芳會莫蹉跎。

同沈學子對雪有懷惠定宇

浙浙承檐飄。冉冉緣階上。曙寒人語稀。煙蘿散微響。虛館借良郊。憑襟遂元賞。稍忻清言舒。彌使離忱長。故人不在茲。江湖屢延想。頗聞漳濱臥。尚乏剡谿訪。彷彿窮巷深。閒扉掩榛莽。蕭晨諷道書。樵蘇罕還往。佇澄輝遙無由。慰悽惻征鴻下。層雲疎梅澹。幽幌庶幾溯。微波絨情託。吳榜。

學子將歸雲閒雪中飲有作

殘雪滿虛檐。蕭齋晚逾靜。幸接故人杯。共此疎籬永。遠別眷良宵。羈枕屬暮景。頗聞楚江濱。煙中理歸艇。欲折早梅枝。依

依寄淒冷

古風贈學子卽送其歸里

戴匡綴霄瀨。鴻洞函人文。元符賁河雒。圖範開愚菴。水精繼受命。烏鳥翔端門。經成夜告斗。虹玉流彤雲。至人卷六藝。竄交參明神。手陳邃古蘊。意抉蒼靈根。一罹溫谷劫。萬禩幾冥昏。頽壁響繁會。破冢光氛氲。羣儒遂鉤擿。如日重溫墩。園橋斥填咽。奪席爭騰鶩。傳疏數百萬。各各懸乾坤。司農稍後出。旁魄羅前論。箋詩撰鄭譜。贊易明爻辰。書從杜林受。禮自淹中存。風角驗祕術。乾象窺長垣。下逮讖緯候。內學綜紛繁。三才筭鈴鍵。萬象通懣恣。想當禮堂上。肅穆垂纓紳。闕言詔弟子。大義貽諸孫。子幹暨子慎。疇敢齊嶙峋。慨彼辰巳夢。泰岱悲崩奔。永留尺二簡。南北傳芳芬。子雍本踏駁。氣燄依天婚。

盱眙作聖證索垢空呻喧孫交馬昭尚角立鞬勒張單軍何
爲張融案典忍乖前聞綿延歷唐宋撼撞爭搖唇斯文恍墜
地霧霧埋晴暄篁墩最舛逆衡決資狂狷膠均黜栗主髦俊
咸煩冤愚生三季後咄咄心如焚每思昌北學疲茶無由振
論交得耆舊惠施定字真超羣同時呂青陽顧震滄戴東原
並起芟荒榛亦有錢曉微與褚播升賈勇追羲軒吾兄更雄
絕鳳階檢覈該皇墳衆賢盛哉盍旋斡迴千鈞况逢東陽沈
隻手扶奔輪夙知富攜撫四庫窮崖垠摘詞揀鐘鐻演雅雕
瓊珣爬羅訖後代瓌細供斷斷晚造益冲邃古義專攀援集
解準兩漢辨字衷先秦師承溯高密一掃羣言焚感生著斗
極世妃詳姜嫫作廟審五室大禘推三年類此悉墨守討蹟
鉤其元發蒙起痼疾顯道寧長湮會見書帶草羣歷當階翻

益思及小同世業光璘彬伊余苦禱味奔走衝埃塵舊學雖
蕪廢嗜古情彌敦百川導渤澥靈祀宗河源幸此旅館暇應
和諧筮員奉手接研講上下忘昏聩窮冬忽賦別感激淒熒
魂粹騰捲庭樹冰雪堆江濱援豪寫宿抱相勉期毋諉

觀劇六絕

瓊筵花露汎紅螺六曲鎿檠照綺羅晴雪一檐香霧裏雲鬟
十隊舞鸞韓

秦淮舊夢已如塵扇底桃花倍愴神彷彿鸚籠初見日香鈿

秋風一夕別雲屏款語匆匆掩淚聽回首河東蕭寺遠碧雲

紅葉滿長亭廂

長生殿裏可憐宵曾炷沈檀禮鵲橋一樹梨花人不見青驪

蜀樓雨蕭蕭長生殿

花影層層下玉除歸來燈火旅窻虛夜深微醉誰相憶剗襪香皆女較書紅梨記

聽遍新聲出絳紗故鄉歸夢落雲沙應知今夜筠欄月獨對江梅數點花

送戴遂堂由儀徵之常熟

落燈風裏雪初晴官閣分襟倍愴情久識詩才兼鮑照近聞仙訣受茅盈春回胥浦寒猶在人到琴湖草又生他日燕臺更南望吳天無際暮雲橫

將北行留別親友

久承恩命自長楊一幅雲帆別故鄉柳陌風和春正麗登帷花發景初長釣遊且作歸時約翰墨尤思舊日場謂松桂讀書堂

雙桐書屋少日從師處一曲橫橋三畝竹丁寧鄰里護漁莊

硯山丙舍靈巖山北一支為硯山山下為獲村稍西御峯先曾祖墓在焉屋十餘椽中有梵香齋樓雲閣久廢惟硯山丙舍尚存時修葺之

羣峯蒼翠接山村躡踏獅王氣象尊五夜香燈僧已散四時煙靄閣無存遙聞碧澗潛通沼近種青松半出垣他日焚黃重上塚瀧岡阡表記高原

泊山塘

細雨度芳辰鶯花分外新依依水楊柳相送版輿春絃管尋詩路衣香拾翠塵所嗟鄉漸遠回望意難申

閨秀徐若冰映玉以題蘭泉書屋詩見示和韻

吳苑詩名擅玉臺忽傳芳藻灑瓊瑰夢花深愧江郎筆詠雪頻勞謝女才背燭夜吟珠露冷澡香曉展繡簾開弓衣織與

屏風畫未比瑤箋寫麝煤今焚香讀氣歸齋開戶文齋與

窈窕名園記屢經今晨裴屐喜重停遂初欲繼先賢躡樂志

同符處士星檻外濃花開魏紫樽前雅曲愛秦青此行持贈

憑良友珍重名言促膝聽為水邊聽

解褐三秋等散樗綸音重奉直中書階翻紅藥同聯佩

來般巷夾青楊好駐車鳳嘴書來擬於京城貨西崦溪山懷勝

賞東華風月感離居往來頻望相思字莫向滄江負鯉魚

小停雲山館岡齡招同迂谷及鏡秀才思贊囊酌飲

東君昨已別花叢時三月二十一日立夏不分將離照酒紅今日停雲

惟子繼他時話雨與誰同草生書帶才偏麗瑟鼓湘靈句最

工欲共三賢還痛飲長年又報一帆風

題金壽門梅花畫冊二首

破墨圖成每自矜數枝高格倚峻嶒清寒不許春禽到滿徑

青霜滿砌冰

刻意幽寒水月涼一塵不許近詩囊水仙雅靚梅花澹別具

清心領妙香

重過梁溪東顧祭酒震滄先生

棟高

官梅亭了送別又經年舊疾春來尚未痊紫詔崇儒聞晉

秋青衿仰德待陶甄縣中牛酒應頻致門下麟經定並傳祭

者有春秋大事表門人華師只惜雲帆風正快未能枕膝小

流連王淳及其弟澱峯恣傳之

蘭陵道中

櫻桃風急水盈盈雨後溪山分外清竹屋茅菴隨路轉楊花

如雪酒旗橫。盜盜雨。外。山。長。代。青。竹。風。來。卷。湖。波。...

泊京口

兩點金焦在眼前。一回憑眺一流連。鐘魚水寺傳山寺燈火。吳船雜楚船。遠樹微明瓜步月。殘霞猶映竹西煙。細斟北府兵廚酒。小倚篷窗已似仙。

瓜洲

潮落沙洲似鏡平。空江雨歇夕陽明。船窗短夢誰驚覺。水月禪房粥鼓聲。

雲帆獵獵趁南風。回首松寥指顧中。記得去年風浪裏。危崖獨上俯蛟宮。

楚尾吳頭薄暮天。滄江西望盡雲煙。一行燈火瓜洲市。已有人家弄管絃。

風漸轉。雅雨運使招壽門曲江東有小集

小別矜新侶。重來訪舊盟。風騷留勝地。湖海半耆英。斫雪江鮪雋。凝香露酒清。諸人豪氣在。譚塵不時橫。

答朱吉人見贈之作並送其歸桐鄉

三載香溪別夢賒。相逢客路感瑤華。吟秋獨泛鴛湖櫂。去秋至桐鄉奉訪對酒同看楚地花。江驛青蕪聞戍鼓。湖田碧樹隱漁家。卻憐分手仍南北。不惜官橋折柳斜。

追和催收詩為學子作

花前催上六萌車。蟬鬢妝成鬧掃餘。回憶竹西亭下路。珠簾捲盡有誰如。

吳闡楊柳可憐生。叩叩香囊早定情。最好白蘋風信穩。抽帆同到五茸城。

采出迴廊小院深。明河絡角影沈沈。應知金井烏啼夜酒冷。
燈銷伴苦吟。

書囊琴薦一塵無。繡閣寒生炷玉鳧。看取橫雲山色好。鸞環
重畫十眉圖。

韓懷招同學子東有梅里漁川易松滋諧再餞有作

清江滑笏碧於油。又向紅橋盡日遊。花鳥春濃歸小志。去歲予撰

紅橋小志有二十四景管絃風細送長謳。酒痕墨瀋添詩興。燭燼香銷

起別愁。記取禁林清漏夜。夢魂猶繞綠楊舟。

高郵途次

澹雲殘雨月籠明。初過邗江第一程。荷蓋忽傾知露重。柁牙
微響識潮生。羅衾頻展香猶膩。畫燭將昏夢未成。翠羽欲啼
風漸轉。榜人已試半帆輕。

舟過寶應懷朱秀才直方宗大

昨別紅橋路。煙帆檣渚磯。湖田春後熟。楚客雨中稀。舊侶遲
衿契。新愁減帶圍。何由親玉舉。極目柳依依。

露筋祠

曲渚依疎柳。叢祠掩碧苔。芳蘋吳客薦。瑤瑟楚巫哀。水鳥翛
翛下。風蓮漠漠開。靈旗吹暮雨。彷彿翠輶迴。

訪程秀才魚門晉芳淮上兼寄華師道

零雨悽長別。相逢更渺歡。有懷悲詠絮。時初喪女無夢兆徵蘭。芳
杜淮流碧叢篁。楚寺寒祇應華右史。傳舍共盤桓。

晚泊淮關

雨霽黃梅節。沿堤撲柳綿。潮生漁網動。風急酒旗偏。鐘版溪
邊寺。魚鹽郭外船。竹西行漸遠。回首更淒然。

微山湖

石梁瀉清溜急響生寒風孤舟就前路雲水延空濛層陰淡
初日歷歷開諸峯蒼翠宛相次瀟照依晴空露蕪悉葱蒨石
嶼森玲瓏村煙楊柳岸漁唱菰蒲叢鳧鴨曉凌亂風景安能
窮思偕沿緣者欵乃移青篷
夙昔愛具區雲濤信奇詭單椒秀漁洋亭亭明鏡裏梅篠罨
澄潭禽魚散幽汜十載別溪山清夢滿煙水今來望空冥青
螺紛可喜生平五湖約芳景屢延企矧乃行路餘何由稅塵
軌轉幸南風遲扁舟覽徙倚

太白酒樓

新漲綠粼粼高樓俯畫津長畱狂道士坐對謫仙人詩酒襟
懷曠風流意氣親南池餘杜老千古結芳鄰

舟次贈沈廉使椒園

廷芳

月旦知名久江湖奉教遲書宗虞監帖吟仿白公詩捧手欣
今日談心恐後時閒官當有暇常擬侍臯比

南旺

層層石礮鎖迴塘運道由來異漢唐汶水西流兼汎濟衛河
北折受清漳三分直藉神靈助千古羣靈利澤長不是名人
垂至計雲帆何自達通倉

口號二絕

米鹽營營生計井日稍具家貲堂北已移護草陔南好采蘭

枝

放懷自知未得經世不識如何且喚青騾一輛凌晨小試鳴

珂

直隸

直廬曉起

官燭熒熒夜向闌。玉階清露濕紅欄。風高鈴柝傳中禁。月暗觚棱隱上蘭。珠樹影深華闕外。銀河秋淨碧雲端。紗籠夾道重門啟。早有千官候八鸞。是日卯時上還宮

禁中卽事

澗道疎泉接御溝。禁林清暇奉宸游。涼生銅埒頻觀射。風靜金微數獻囚。碧樹遠含煙嶂雨。青蟬近報玉階秋。晚來中使聞宣旨。檢點封章待曉籌。時將御門

題李西華先生友棠賞番圖

猱颯獵獵吹旌旗。樓船萬里懸牙符。從金伐鼓鳴霜筩。諸羅崩角來馳驅。蒼松攬網挈重櫨。濃陰偃蓋森樓櫓。轅門霽色騰金烏。海雲下照紅氍毹。鹿鞞虎鞞班胥徒。秃衿短袂排僮

二詩作清苑
高風區區王
岑

奴甲螺鴉瞬張虬。鬚袴刀鞬脰聲吶。嘔州僚將佐意氣。麤指揮萬象同。援狙側踵連襪相攙扶。或轟椎髻鬢。顛顛或裝花。練纏膊。髑或琢蚌貝。緣裳綸或界項領。編蟻珠。齒童耄老偕。妻孥手奉布帛羣。嬉娛公時晏坐形。神腴聲如雷。動開春。愚

國家上治儕黃虞愷澤下逮周蠡螭眷汝鹿耳東南隅

命持英蕩來吹欵。春菑汝菑畚汝畚。賓睽織作漚。絲纒服汝祖業。供庸租融風。喬露恒膏濡。汝毋虺武資吞屠。朝有憲典。銛戈及裸。攏聞語駭且愉。蘆沙花鼓盈荒嶠。永守令甲誰窺覷。惟安平鎮丁遐區。荷蘭日本交盤紆。黏天黑浪鮫人趨。乖龍畫立神魚祖。雲濤惚恍連方壺。獷賊牙踞名東都。桓桓靖海鸞。雕弧水犀萬隊從。貔狸捶驅虎井攏。澎湖如風卷。瓊嬰王鈇桶盤赤嵌。咸昭蘇今公重望蠻方。爭口揚威德。綏維

盱南暨蘇祿東苻婁疇不職貢陳珣珩况逢口豨明聖操璇
樞攬槍掃定清伊吾流沙西極天柱孤屯田計畝如堂塗奇
肱緩耳驚神謨閒道重驛爭權呼屠州黑豹禹駒駮方揚皇
鳥邱鸞雛碧基陰羽揚交閭畫史豈渺閣與吳好寫瑰異窮
緇銖配此並上明堂圖丹青王會永弗渝百祀後與東蠻俱
柳宗元集既克東夷羣臣請圖狀如周書王會

徐文長花草冊

淺絳深黃滿露叢品題第四語非公

文長自稱書第一文如第二詩第二畫第四如

何不使鈴山見獨賞青詞白鹿工

文長在總督胡宗憲幕時嘉靖方好仙分宜以青詞

受知而宗憲又諳事分宜適得白鹿命文長作表文以進先示分宜分宜頗為擊賞遂得嘉獎晉宗憲秩由是遇文長益重

唐工八如竹谿仙館圖

秋山澹澹隔晴涯野屋層圍一徑斜獨有胎禽相對立分明

仙境勝桃花

仙館清閒近竹谿篔簹蒼翠碧雲西儒冠道服何須辨淨業

新來問準提

六如居桃花場傍有準提菴後人與文符詔祝京兆像並設其中準提有淨業經見大藏

哭文子先生

一夕霜風掃碧梧招魂何處降神巫雲屯箕尾星躔暗山坳

龍門底柱孤黃髮功名虛上壽青年懷抱鬱良圖夜臺有恨

知難盡未逐嫖姚斬骨都

阿睦爾撒納叛先生每以不得從軍追討為恨

崆峒戴斗氣嶙峋十載鳴鸞侍紫宸陸贄清材參內相戴

遠重望表成均貂冠共切三台望鵲印頻頒九澤春

先生由侍講陞

祭酒歷戶工兩部侍郎造士頻年持玉節嵩邱粵海擁征輪

汴泗清流漲碧空口銜天詔出淮東菱薪夜偃桃花汎槿

石秋成瓠子功玉粒千帆停鷁首金堤萬仞壓龍宮
至
尊南顧頻欣慰早免蒼生泣斷鴻

朽質幾同爨下殘枉蒙拂拭比琅玕深知梁肅提攜切終愧
虞翻骨相寒雨歇西園思授簡春深東閣慶彈冠予在揚州先生寄書
云花深東閣可卜彈冠之慶矣生平乞墅無窮恨忍過朱門躍錦鞍

喜來殷同年至京

薊門雲樹度高秋聞汝南來豁別愁
擗管舊傳鸚鵡賦鳴鏃
新侍鳳凰樓元堂珪瓚光龍勺十月初一日時太廟別苑笳簫擁

翠旂時大閱

命盛典即今須紀錄好將雅頌播方州

送文子先生葬四首

笳鼓臨泉路旌旄出國門提攜餘弱息涕淚溢諸昆
馬鬣秋原壯鷄碑曉霧昏扶風帳下士誰與共招魂

夙抱匡時略長殷濟物情勲階羞許史事業陋韋平湖海收

奇士

曹來殷趙升之張策時嚴東有皆公所延譽以成名者

關山恤戍兵金川之役部議欲追軍士

須給口糧公力止之銜恩何地報灑淚遍寰瀛

磊落風雲氣崢嶸海嶽才兼葭秦客咏蘭杜楚臣哀卓犖空
前輩流傳待後來桓譚誰竟是詩卷忍重開

遺疏傳

丹禁

恩綸下紫庭禮咨宗伯議功俟太常銘石

馬幽宮閉銀蠶墓道屆千秋誰定謚翹首望層冥

時遺本初下奉旨

應得卹典該部察議具奏部議上給予半葬以例未得贈官子謚也

書伯祖激溪公會圖

自撰年譜

半生席帽老山林略記年華感喟深要使諸孫佔畢
知古又知今

起崇禎六年止康熙四十四年中間遇時事大者皆記其略



哦古又喚今

中間殿御專大昔昔時其鄉

半坐亂帥朱山林御時半華風即紫要勢浩新古單

書山脈靈翁公會圖 自毀半節

蘇子半華以國未具餽官于益出

出幽宮因建靈墓遊氣于林結室益曠首望何真

貴苑壽世禁恩餘不降我甄咨宗由蕭也矣太常院百

前輩壽壽壽壽來財駟駟竟具藉卷恐重開

嘉落風雲原和麴每戀木葉茵泰容和蘭林焚田良卓舉空

真餘口體 海恩何賦辨甄兵嚴實處

海士許許公祖丞譽以如各清 關山此刃其

夙辨里御御身娘術妙神博留善信史事業國草平



